

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 St 569320 16 St
Sarajevo, 21.08.2025. godine

Z A P I S N I K

Sastavljen na III Skupštini povjerilaca, održana kod Općinskog suda u Sarajevu, u hotelu Hills - Kongresna sala, dana 21.08.2025. godine, u stečajnom postupku nad imovinom stečajnog dužnika „HIDROGRADNJA“ DD SARAJEVO U STEČAJU

OD SUDA PRISUTNI:

Sudija: Nebojša Joksimović

Zapisničar: Mersiha Imamović

Ročište započeto u 11,00 sati

Konstatuje se da su pristupili:

- stečajni upravnik Zijad Fazlagić

Povjerioci: prema spisku povjerilaca, koji je sastavni dio ovog zapisnika.

Konstatuje se da je oglas o zakazivanju današnjeg ročišta objavljen u Službenim novinama Federacije BiH broj: 56 od 25.07. 2025. godine.

S obzirom na protek zakonskog roka od objavljivanja Oglasa u „Službenim novinama FBiH“ Skupština povjerilaca saglasno predlaže da se održi današnje ročište.

Sudija otvara ročište i objavljuje da će se na današnjem ročištu raspravljati će se raspravljati o izmjenama i dopunama Stečajnog plana “HIDROGRADNJA” D.D. Sarajevo u stečaju od novembra 2021. godine, a koje izmjene i dopune je sačinio stečajni upravnik Zijad Fazlagić.

Punomoćnik Adil Lozo izjavi da se ne protivi da se održi Skupština povjerilaca te predlaže da ih stečajni upravnik detaljno informiše o stečajnom planu.

Stečajni sudija poziva stečajnog upravnika da ukratko iznese izvještaj za period 11.11.2024 godine do danas.

Stečajni upravnik čita izvještaj od 08.08.2025. godine

I SKUPŠTINA POVJERILACA 11.11.2024. GODINE

Na Skupštini povjerilaca održanoj 11.11.2024. godine odlučeno je da Stečajni plan iz Novembra 2021. godine ostaje na snazi sa varijantom prodaje privrednog subjekta kao cjeline, a očekujući da će doći do

izmjene Zakona o visini stope zatezne kamate na javne prihode. Ovim su se bili stekli uslovi za objavljivanje Javnog oglasa za prodaju privrednog subjekta Hidrogradnja d.d. Sarajevo – u stečaju.

Odbor povjerenika je na sjednici održanoj u decembru 2024. godine odobrio aktivnosti na pripremi teksta Javnog oglasa za prodaju ovog privrednog subjekta, s tim što su zatražili da konačan tekst Javnog oglasa bude prezentovan Odboru povjerenika na narednoj sjednici, nakon prethodno obavljenih konsultacija stečajnog upravnika sa advokatom Hidrogradnje.

Na sjednici održanoj u januaru ove godine Odbor povjerenika je donio Odluku kojom je data saglasnost za objavu Javnog oglasa, nakon čega je oglas i objavljen u tri dnevna lista. Nadmetanje je bilo zakazano za dan 10.04.2025. godine. U oglasu je bilo navedeno **da će se javni oglas poništiti** u slučaju nedonošenja **Zakona o izmjenama Zakona o visini stope zatezne kamate na javne prihode, do datuma održavanja javnog nadmetanja 10.04.2025.godine, što je i učinjeno jer nije došlo do izmjena navedenog zakona.**

II AKTIVNOSTI IZMEĐU DVIJE SKUPŠTINE POVJERILACA

1. Izrada izmjena Stečajnog plana

Iako sam imao saznanja da će doći do izmjena Zakona o visini stope zatezne kamate na javne prihode situacija je bila takva da po važećem Stečajnom planu nije se mogla oglašavati prodaja privrednog subjekta, jer je zavisila upravo od izmjena navedenog zakona. Zbog toga pristupilo se izmjenama i dopunama Stečajnog plana i to od 34. stranice – Poglavlje 3. Ciljevi Stečajnog plana – Prodaja.

U maju 2025. godine Odboru povjerenika sam prezentirao izmjene Stečajnog plana.

Ovim Izmjenama se brišu odredbe Stečajnog plana koje uslovljavaju njegovu primjenu ovisno o postojanju važećeg Zakona o visini stope zatezne kamate na javne prihode kojim bi se otpisale dospelje zakonske zatezne kamate. Dakle, usvajanjem ovih izmjena Stečajni plan bi se primjenjivao bez obzira na postojanje Zakona o visini stope zatezne kamate na javne prihode kojim bi se otpisale dospelje zakonske zatezne kamate.

Izmjene se naročito odnose da se kupac kupovinom privrednog subjekta kroz stečajni plan, obavezuje uplatiti cijenu koja će biti uplaćena stečajnom dužniku Hidrogradnja d.d. Sarajevu u stečaju, čime će se ostvariti najvažniji cilj stečajnog plana – bolja isplata potraživanja priznatih u stečajnom postupku, u odnosu na visinu isplate koja bi se mogla izvršiti da stečajnog plana nema.

Osim iznosa kupoprodajne cijene pravno lice Hidrogradnja d.d. Sarajevo koje nastavlja poslovanje ostaje u obavezi uplatiti iznos na ime dospelje zatezne kamate na porezne obaveze Poreznoj upravi FBiH na 60 jednakih rata (koje je priznao stečajni upravnik Poreznoj upravi FBiH u procentu planiranog namirenja za taj isplatni red), ukoliko u roku od godinu dana ne stupi novi Zakon o izmjenama Zakona o visini stope zatezne kamate na javne prihode kojim se vrši otpis dospelje zakonske kamate .

Kao garancija za uplatu iznosa (u visini i procentu planiranog namirenja iz Stečajnog plana za taj isplatni red) na ime dospelje zatezne kamate na porezne obaveze kupac je saglasan da se na imovini organizacione jedinice Kakanj upiše hipoteka na iznos priznatih zatezних kamata (u visini i procentu planiranog namirenja iz Stečajnog plana za taj isplatni red) u korist Ministarstva finansija FBiH – Porezna uprava FBiH .

Takođe izvršene su Izmjene Osnove za provođenje u smislu da je formirana nova grupa povjerenika pod naslovom E grupa- opšti isplatni red - zatezne kamate Porezna uprava FBiH.

U ovom dijelu – Osnove za provođenje dodaje se nova tačka koja se odnosi na zasnivanje hipoteke – založnog prava, ukoliko u roku od godinu (od dana pravosnažnosti Rješenja o potvrđivanju Stečajnog plana) ne stupi novi Zakon o izmjenama Zakona o visini stope zatezne kamate na javne prihode, Hidrogradnja d.d. Sarajevo se obavezuje uplatiti iznos (u visini i procentu planiranog namirenja iz Stečajnog plana) na ime zatezne kamate Poreznoj upravi FBiH na 60 jednakih rata (koje je priznao stečajni upravnik Poreznoj upravi FBiH) .

Stečajni plan ostaje nepromijenjen u dijelu namirenja povjerilaca da kroz prodaju privrednog subjekta kupac uplaćuje kupoprodajnu cijenu od 88.067.552,50KM, da se iz kupoprodajne cijene namiruje :

- grupa A – različni povjerioci u 100% iznosu,
- grupa B - (Porezne obaveze – doprinosi, porezi) u 100% iznosu,
- grupa C (Raniji zaposlenici stečajnog dužnika) u 100% iznosu ,
- grupa D (opšti isplatni red – pravna/fizička lica) 70% iznosa od iznosa priznatih potraživanja

- grupa E (opšti isplatni red - zatezne kamate Porezna uprava FBiH)
Ova grupa povjerilaca je formirana na bazi pravnog statusa povjerilaca opšteg isplatnog reda i planiranog namirenja E Grupe - Porezna uprava za potraživanja dospjelih zatezних kamata koje će biti isplaćene u roku od 5 godina, u 60 jednakih mjesečnih rata, pod uslovom da u roku od godinu dana od stupanja na snagu ovog Stečajnog plana ne stupa na snagu Zakon o izmjenama Zakona o visini stope zatezne kamate na javne prihode o otpisu dospjele zatezne kamate.

2. Kontakti sa potencijalnim kupcima

Ono što je važno napomenuti je da sam proteklih mjeseci imao stalne kontakte sa nekoliko potencijalnih kupaca ovog privrednog subjekta, međutim očekujući da će izmjene Zakona biti usvojene, do danas je ovo bio period kada se nije mogla oglašavati prodaja. Naravno i potencijalnim kupcima je u interesu da dođe do izmjena zakona, čime bi bili oslobođeni obaveze plaćanja kamata Poreznoj upravi.

U maju ove godine poslanik iz Predstavničkog doma FBiH uputio je u proceduru izmjene ovog zakona i Nacrt zakona je usvojen na sjednici Vlade FBiH u proteklom mjesecu.

Obzirom da je ovo period godišnjih odmora i da nema sjednica u Parlamentu FBiH, nadam da će u septembru oba Doma usvojiti predložene izmjene. Ovim bi se produžio rok za otpis kamata na 18 mjeseci, ukoliko se u periodu od usvajanja izmjena zakona do isteka roka od 18 mjeseci Poreznoj upravi uplati glavica duga. Ovo bi umnogome olakšalo i nama, a i potencijalnom kupcu.

Kako više ne bi bili u dilemi hoće li i kada zakon proći parlamentarnu proceduru na Skupštini ću predložiti usvajanje izmjena Stečajnog plana, kako više ne bi imali prepreka u oglašavanju prodaje ovog privrednog subjekta.

I ovoga puta ponavljam da mi je cilj prodaja Hidrogradnje i namirenje povjerilaca, prvenstveno radnika i to u 100% iznosu, te da upravo zbog radnika i njihovih potraživanja nisam tražio sniženje cijene, jer bi se to odrazilo na umanjenje naplate upravo radničkih potraživanja.

3. Poslovanje

Na moj prijedlog i po Odluci Suda, Hidrogradnja i dalje postoji i posluje. Upošljava u prosjeku između 80 do 100 radnika i sve svoje tekuće obaveze izmiruje redovno od prihoda ostvarenog iz tekućeg poslovanja, u Sigmu koja se bavi proizvodnjom i isporukom betona i betonskih proizvoda, kamenolomu Hadžići gdje se proizvodi frakcija te kamenolomu Kakanj koji vrši isporuku rude za Tvornicu cementa Kakanj.

Hidrogradnja upošljava radnike različitih zanimanja, oglašavamo upražnjene pozicije i u ovom momentu imamo raspisane oglase za šest radnih mjesta. Nažalost, niko od bivših radnika se ne javlja iako sam i na prošloj Skupštini pozvao sve one koji su zainteresovani za rad da dođu na razgovor za posao. Nudimo i prekvalifikacije i doškolovanje o trošku Hidrogradnje, međutim odziv od strane nezaposlenih je poražavajući.

4. Aktivnosti u Libiji

Na prethodnoj Skupštini sam informisao o aktivnostima na rješavanju po našoj tužbi za naknadu štete u Libiji i konačno mogu reći da se našim pritiskom na advokate a i mojim učešćem i svjedočenjem na ročištima ovaj predmet konačno pokrenuo na Sudu u Tripoliju.

Ovo je dalo rezultata u smislu da smo izdejsvovali kod Suda u Libiji da imenuju sudske vještake građevinske i ekonomske struke.

Naš advokat u Libiji je izjavio kako je jedino Hidrogradnja uspjela u tako kratkom vremenu od podnošenja tužbe pokrenuti rješavanje ovog spora te da druge firme ni nakon dvije godine od podnošenja tužbe za naknadu štete još uvijek nisu uspjele doći do faze da Sud odredi vještake.

Prethodna tri mjeseca tim koji sam formirao intenzivno je radio na pripremi dokumentacije za potrebe vještačenja, obilasku sva tri kampa zajedno sa vještacima i očekujem da će do početka septembra Nalazi vještaka biti završeni te da će dokazi koje smo im dostavili biti dovoljni za izradu Nalaza. Na narednom ročištu koje će biti održano u mjesecu Septembru Sud bi trebao imati oba Nalaza vještaka.

5. Realizacija Zaključka Odbora povjericilaca po pitanju eventualne naplate potraživanja od Iraka

Zbog učestalih prozivanja, neprovjerenih navoda i informacija od strane bivših radnika o postojanju potraživanja Hidrogradnje od Iraka, Odbor povjericilaca je u februaru ove godine donio Zaključak da se pismeno obratimo Vladi FBiH i Federalnom ministarstvu energije, rudarstva i industrije sa zahtjevom za pomoć u utvrđenju činjeničnog stanja i eventualnoj naplati potraživanja Hidrogradnje ukoliko ona postoje. Ja sam postupio po navedenom Zaključku i uputio pisma na obje adrese.

U pismu- zahtjevu sam naveo podatke o projektima koje je Hidrogradnja izvodila u Iraku, dosadašnjoj naplati potraživanja, dakle sve informacije koje mogu poslužiti kako bi konačno došli do saznanja ima li Hidrogradnja još nenaplaćenih potraživanja. Ovim pismom zatražena je pomoć Vlade FBiH da diplomatskim putem pokuša dobiti relevantne informacije o eventualnom postojanju i naplati duga od Iraka. Zatražio sam i sastanak na ovu temu sa Premijerom FBiH i Ministrom energije, rudarstva i industrije, međutim do danas nisam dobio odgovor.

Na prethodnoj Skupštini povjericilaca informisao sam o svom nastojanju da pokušam srazniti potraživanja ukoliko ona postoje Po Odluci Odbora povjericilaca angažovao sam međunarodnu revizorsku kuću KPMG, međutim nakon par mjeseci njihovog angažmana i istraživanja nisu uspjeli dobiti nikakve podatke. Imao sam nekoliko sastanaka i sa predstavnicima Parlamenta iz Iraka. Tada je bilo dogovoreno da nam omoguće sastanak u Ministarstvu finansija Iraka te bankama kod kojih je Hidrogradnja imala račune, a u cilju konačnog utvrđivanja eventualnog postojanja duga. U protekloj godini bio sam par puta u Iraku, ali nisam uspio dobiti gotovo nikakve informacije.

Traženo je da formiramo poslovnu jedinicu u Iraku i imenujemo iračkog predstavnika koji bi nas zastupao. Sve ovo iziskuje velike troškove na koje smo bili spremni platiti ali pod uslovom da prethodno imamo bilo kakva saznanja o postojanju duga i eventualnoj naplati.

6. Penzionisanje

Kada je riječ o penzionisanju do danas je po osnovu Odluka Vlade FBiH o odobravanju sredstava za uvezivanje staža penzionisano 195 radnika.

Odlukom Vlade Federacije BiH iz 2018. godine za uvezivanje staža radnicima Hidrogradnji je odobreno 999.338,93 KM za 61 radnika.

U 2019. godini Odlukom Vlade Federacije odobreno je 2.287.674,32 KM za uvezivanje staža za 115 radnika. Od 115 radnika njih 13 za koje su uplaćeni doprinosi prema evidenciji FZ PIO/MIO nije bilo steklo uslove za penzionisanje. Obzirom da nismo mogli opravdati utrošak sredstava za ovih 13 radnika na zahtjev Federalnog ministarstva energije, rudarstva i industrije Hidrogradnja morali smo izvršiti izvršila povrat iznosa od 265.151,12 KM. Ovo se moralo uraditi kako bi se mogli prijaviti na naredni Javni poziv za dodjelu grant sredstava.

Na javni poziv koji je objavljen u avgustu prošle godine Hidrogradnja je dostavila Spisak na kojem je 65 radnika za koje je potrebno uplatiti 1.045.037,62 KM da bi ostvarili pravo na penzionisanje. Spisak je urađen po datumu sticanja uslova i iako je u Javnom pozivu navedeno da je maksimalan iznos koji se može dodijeliti po jednom privrednom društvu 400.000,00 KM mi smo dostavili kompletan spisak sa

65 radnika. U prvom javnom pozivu odobrena su sredstva Vlade FBiH u iznosu od 368.269,48 KM za penzionisanje 23 radnika. U ponovljenom Javnom pozivu odobreno je 155.701,59 KM za penzionisanje 9 radnika koji su stekli uslove za penzionisanje.

7. Odbor povjericilaca

Od posljednje održane Skupštine do danas, Odbor povjericilaca je održao ukupno osam sjednica na kojima je usvojeno 19 Odluka i 21 Zaključak. Ističem da o svim mojim aktivnostima Odbor povjericilaca je redovno informisan. Mjesečni izvještaji redovno se dostavljaju kako Općinskom sudu u Sarajevu tako i Odboru povjericilaca. Zaključci i Odluke Odbora povjericilaca u cijelosti se poštuju i realizuju.

REZIME

Na osnovu svega naprijed navedenog da se zaključiti da su sve moje dosadašnje aktivnosti bile usmjerene na iznalaženju potencijalnog kupca ovog privrednog subjekta i namirenju povjericilaca, prvenstveno radnika i to u 100% iznosu njihovih potraživanja, ali isto tako i opstanku Hidrogradnje u budućnosti.

Poznato Vam je i da upravo zbog radnika Hidrogradnje od Odbora povjericilaca nisam zatražio saglasnost za sniženje cijene jer bi time bili oštećeni radnici. Također vam je poznato da pojedinačnom prodajom imovine bi se namirili prvo razlučni povjerioci a zatim ostali povjerioci i upitno je koliko i da li bi se radnici u tom slučaju uopšte namirili.

Očekujem i nadam se da će bilo da se usvoje izmjene Zakona o visini stope zatezne kamate na javne prihode, bilo da se usvoje Izmjene Stečajnog plana konačno doći do prodaje ovog privrednog subjekta i da će se ovaj stečajni postupak okončati na način da se namire svi povjerioci, prvenstveno radnici te da će Hidrogradnja moći nastaviti sa poslovanjem i baviti se djelatnošću iz svoje branše na budućim projektima kako u Zemlji tako i na Ino tržištu.

OSTALE BITNE INFORMACIJE za period 11.11.2024 godine do danas

1. Održana ročišta u periodu između dvije Skupštine

U periodu između dvije Skupštine dakle od 11.11.2024. godine održano je ukupno 31 ročište. Svi predmeti su u toku osim predmet Hercing d.o.o. gdje je zaključena sudska nagodba i uplatili su prvu ratu. Ostalo je da uplate još dvije rate. Sporovi se vode kod Suda u Sarajevu, Suda u Tuzli (predmet: Remex d.o.o. Tuzla, radi naknade štete) i Suda u Mostaru – Grad Mostar i Komunalno Mostar, radi smetanje posjeda.

U nastavku navodim sporove značajnije vrijednosti kao što je spor sa Remex d.o.o. Tuzla, vrijednost ovog spora je 664.603,00 KM, a isto se odnosi na štetu pričinjenu zbog neblagovremene i nestručne opravke motora na mašini Demag.

Zatim dva sudska spora sa ŽGP-om, radi duga i vraćanja opreme. Vrijednost ovih sporova iznosi 350.000,00 KM /za povrat opreme/ a Vsp: 252.369,00 KM /radi duga/.

Drugostepenom presudom od 07.05.2025. godine Hidrogradnja je dobila spor u predmetu protiv Sindikata građevinarstva i industrije građevinskog materijala BiH naknada materijalne štete, Vsp: 1.316.051,27 KM, zbog nezakonite organizacije i vođenja štrajka 2013. godine. Prijedlog za izvršenje pravosnažne presude u iznosu od 1.316.051,27 KM sa zakonskom zateznom kamatom od 02.06.2016. godine podnesen je dana 16.07.2025. godine.

2. Finansijski pokazatelji

Ostvareni ukupan prihod u 2024. godini iznosi 10.146.202,00 KM, a ostvareni ukupan prihod za prvih sedam mjeseci 2025. godine iznosi cca 4.600.000,00 KM.

3. Vanjske finansijske kontrole

U proteklom periodu dakle od zadnje Skupštine imali smo kontrolu PDV za period 01.09.2022 do 31.05.2025. godine i nije bilo primjedbi niti dodatnih obaveza.

Imali smo kontrolu direktne Federalne poreske uprave za period 10.02.2020. do 10.02.2025. godine gdje nam je utvrđena razlika obaveza od 204.286 KM (Osnovna obaveza plus zatezna kamata).

Najveći dio obaveze se odnosi na Porez na dobit u iznosu od 51.805 KM (Obračunali su nam porez na novac koji je Federalno ministarstvo energije, rudarstva i industrije uplatilo prema Zavodu PIO za penzionisanje naših radnika), te razlike doprinosa (PIO, Zdravstvo i nezaposlenost), za angažovanje određenih ljudi po ugovoru o djelu na period duži od 3 mjeseca za koje je Porezna inspekcija izvršila obračun kao za uposlenike.

Stečajni dužnik Hidrogradnja d.d. Sarajevo – u stečaju je uspješno poslovao, redovno isplaćivao plate, doprinose i sva davanja. Privredni subjekt je solventan, likvidan i očekujemo da do prodaje privredni subjekt će biti također ovog trenda.

U MJESECU DECEMBRU ODRŽANA SU ROČIŠTA U PREDMETIMA KAKO SLIJEDI:

- 02.12.2024. godine – **Pripremno ročište Tužitelj: Hidrogradnja d.d. Sarajevo – u stečaju, Tuženi: Omega Group d.o.o. Sarajevo radi duga, Vsp: 4.628,52 KM.** Pripremno ročište je odgođeno. Tuženom nije uredno dostavljen poziv za ročište greškom Suda.
- 06.12.2024. godine – **nastavak ročišta za određivanje mjere osiguranja - Predlagač: ASA TESTING CENTAR d.o.o. Sarajevo – Protivnik predlagača: Hidrogradnja d.d. Sarajevo, radi određivanja mjere osiguranja.** Nastavlja se ročište za određivanje mjere osiguranja. Punomoćnik predlagača je ostao kod prijedloga za određivanje mjere osiguranja od 30.04.2024. godine, svih navoda iznesenih u toku postupka i prijedloga dokaza. Punomoćnik protivnika predlagača je ostao kod odgovora na mjeru osiguranja od 21.05.2024. godine, navoda iznesenih u toku postupka i prijedloga dokaza. Punomoćnik predlagača je povukao prijedlog za saslušanje svjedoka Duraković Mirsad, Omerović Hajrudin, Subašić Fadil i Kožul Ivan. Na ročištu se saslušavaju svjedoci: Aruković Nihad, Murtić Zaim, Bajramović Azra i Habibija Armel. Nastavak ročišta za određivanje mjere osiguranja zakazan je za 10.01.2025. godine u 10 sati. Na ročištu će biti saslušan svjedok Gradašević Amar.
- 17.12. i 18.12.2024. godine – **Glavna rasprava - Tužitelj: Hidrogradnja d.d. Sarajevo – u stečaju,– Tuženi: Remex d.o.o. Tuzla, Vsp: 664.603,00 KM.** Ročište za glavnu raspravu održano dana 17.12.2024. godine – Punomoćnik tužitelja je ostao kod tužbe, postavljenog tužbenog zahtjeva i predloženih dokaza. Punomoćnik tuženog je ostao kod odgovora na tužbu i predloženih dokaza. Na glavnoj raspravi se provode dokazi – saslušanje svjedoka tužitelja. Ročište za glavnu raspravu održano dana 18.12.2024. godine - Nastavljeno je saslušanje svjedoka tužitelja . Nastavak ročišta za glavnu raspravu zakazan je za 12.02.2025. godine u 11 sati. Na ročištu za glavnu raspravu će se u svojstvu svjedoka saslušati Zijad Fazlagić, stečajni upravnik, Mešković Redvel, direktor Remex-a, te svjedoci tuženog;
- 19.12.2024. godine – **Pripremno ročište - Tužitelj: Hidrogradnja d.d. Sarajevo – u stečaju, – Tuženi: Bojić Emir, vlasnik građevinskog obrta Bosing Zenica, radi duga, Vsp: 14.473,85 KM.** Pripremno ročište je odgođeno. Vještak finansijske struke Alihodžić Belma nije uradila nalaz. Sud će zakazati novo ročište.

U PRVOM MJESECU 2025. GODINE ODRŽANA SU ROČIŠTA U PREDMETIMA KAKO SLIJEDI:

- **Ročište za određivanje mjere osiguranja – Predlagač ASA Testing Centar d.o.o. Sarajevo– Protivnik predlagača: Hidrogradnja d.d. Sarajevo – u stečaju, radi određivanja mjere osiguranja.** Nastavljeno je ročište za određivanje mjere osiguranja. Punomoćnik predlagača je u cijelosti ostao kod prijedloga za određivanje mjere osiguranja od 30.04.2025. godine, svih navoda iznesenih u toku postupka i prijedloga dokaza. Punomoćnik protivnika predlagača je u cijelosti ostao kod odgovora na prijedlog za određivanje mjere osiguranja, navoda iznesenih u toku postupka i prijedloga dokaza. U skladu sa članom 269. stav 2. ZIP-a FBiH punomoćnik protivnika predlagača je tražio da ukoliko Sud odredi mjeru osiguranja da predlagač u sudski depozit uplati jemstvo u iznosu od 10.389,60 KM za štetu koja bi protivniku predlagača mogla nastati određivanjem mjere osiguranja. Sud će naknadno odlučiti o prijedlogu za određivanje jemstva. Na ročištu je nastavljen dokazni postupak saslušanjem svjedoka Gradašević Amara. Nakon saslušanja svjedoka Sud je zaključio dokazni postupak. Punomoćnici parničnih stranaka dostavili su Sudu podnesak - završno izlaganje čime je ročište završeno. Sud će donijeti Odluku u roku od 30 dana od dana zaključenja ročišta tj. 10.02.2025. godine;
- **10.01.2025. godine – Glavna rasprava -Tužitelj Hidrogradnja d.d. Sarajevo – u stečaju, Tuženi: Bojić Emir, vlasnik građevinskog obrta Bosing Zenica, radi duga, Vsp: 14.473,85 KM.** Punomoćnik tuženog advokat Brković Senad dana 26.12.2024. godine dostavio je Sudu podnesak – Molba za odgodu ročišta zakazanog za 10.01.2025. godine u 11 sati. Razlog za odgodu je da punomoćnik tuženog se nalazi van BiH radi korištenja godišnjeg odmora. Sud je odgodio ročište za glavnu raspravu. Stranke će o novom ročištu biti naknadno obavještene.
- **15.01.2025. godine – Pripremno ročište - Tužitelj Hidrogradnja d.d. Sarajevo – u stečaju, Tuženi: ŽGP d.d. Sarajevo – u stečaju, radi duga, Vsp: 350.000,00 KM.** Punomoćnik tužitelja ostaje kod tužbe, preciziranog tužbenog zahtjeva sa ročišta od 25.04.2024. godine, predloženih dokaza i odgovora na protivtužbu. Punomoćnik tuženog je ostao kod odgovora na tužbu i kod podnesaka od 21.11.2024. godine kojim je uređen protivtužbeni zahtjev. Punomoćnik tužitelja je predložio dokaze koji će se provesti na ročištu za glavnu raspravu uvidom i čitanjem dokumentacije. Punomoćnik tuženog je predložio dokaze koji će se provesti na ročištu za glavnu raspravu uvidom i čitanjem dokumentacije. Predloženo je provođenje dokaza – saslušanje svjedoka: Fazlagić Zijad, Šorlija Muamer, Duraković Mirsad, Bjelopoljak Mirsad, Mrkonjić Mirnes i Blaž Dragan. Ponovo će se provesti saslušanje vještaka finansijske struke. Sud je usvojio sve dokazne prijedloge parničnih stranaka. Ročište za glavnu raspravu u ovoj pravnoj stvari određeno je za dan 08.04.2025. godine u 10 sati.
- **22.01.2025. godine – Pripremno ročište – Tužitelj: Marhošević Mehmedalija iz Sarajeva, Tuženi: Hidrogradnja d.d. Sarajevo – u stečaju, , radi priznavanja prava vlasništva po osnovu dosjelosti, Vsp: 1.000,00 KM.** Sudija je odgodila pripremno ročište. Nastavak pripremnog ročišta je zakazan za 08.04.2025. godine u 9 sati.

U DRUGOM MJESECU 2025. GODINE ODRŽANA SU ROČIŠTA U PREDMETIMA KAKO SLIJEDI:

- **Pripremno ročište 05.02.2025. godine – Tužitelj Hidrogradnja d.d. Sarajevo – u stečaju, Tuženi: Euro-Asfalt d.o.o. Sarajevo, radi duga, Vsp: 24.612,00 KM.** U sudski spis je dostavljen podnesak privrednog subjekta Point d.o.o. Vitez kojim se Point d.o.o. Vitez

pojavlja u predmetnoj parnici kao umješač na strani tuženog. Punomoćnik tužitelja se protivio mješanju Point d.o.o. Vitez u parnicu obzirom da nije obrazložen pravni interes umješača za učešće u parnici na strani tuženog. Punomoćnik tužitelja je ostao kod tužbe i preciziranog tužbenog zahtjeva od 30.04.2024. godine i predloženih dokaza. Punomoćnik tuženog ostaje kod odgovora na tužbu, predloženih dokaza i svih navoda iznesenih u toku postupka. Predložio je saslušanje svjedoka Almedin Kusomanović, Alma Mušinbegović, Zijad Fazlagić, stečajni upravnik, Direktor Point d.o.o. Vitez, vještačenje po vještaku ekonomske i mašinske struke. Ročište za glavnu raspravu se zakazuje za dan 14.05.2025. godine u 10 sati.

- **Glavna rasprava – 12.02.2025. godine - Tužitelj Hidrogradnja d.d. Sarajevo – u stečaju, Tuženi: Remex do.o. Tuzla, radi: duga, Vsp: 664.603,00 KM.** Nastavljeno je ročište za glavnu raspravu u ovoj pravnoj stvari. Punomoćnik tužitelja je ostao kod tužbe, postavljenog tužbenog zahtjeva kao i svih navoda iznijetih u toku postupka. Punomoćnik tuženog je ostao kod odgovora na tužbu i svih navoda iznijetih u toku postupka. Proveden je dokaz saslušanjem tužitelja Fazlagić Zijada, stečajnog upravnika tužitelja. Proveden je dokaz saslušanjem svjedoka Srećko Škrobić, zaposlen kod tuženog na radnom mjestu tehnički direktor a po zanimanju dipl.ing.mašinstva. Proveden je dokaz saslušanjem svjedoka Arnautović Elvir, zaposlen kod tuženog, na radnom mjestu voditelj poslovnice po zanimanju elektroenergetičar. Određeno je vještačenje po vještaku mašinske struke. Nastavak ročišta za glavnu raspravu zakazan je za 15.05.2025. godine u 11 sati.
- **Glavna rasprava 14.02.2025. godine - Tužitelj Hidrogradnja d.d. Sarajevo – u stečaju - Tuženi: Bojić Emir, vlasnik građevinskog obrta Bosing Zenica, radi: duga, Vsp: 14.473,85 KM.** Belma Alihodžić, vještak finansijske struke pristupila je na ročište za glavnu raspravu i odgovarala na pitanja punomoćnika parničnik stranaka. Punomoćnik tuženog je prigovorio nalazu vještaka u cijelosti, a punomoćnik tužitelja nije imao primjedbi na nalaz. Punomoćnik tužitelja u završnom izlaganju je istakao da Sud svojom odlukom treba da usvoji tužbeni zahtjev u cijelosti. Punomoćnik tuženog je u završnom izlaganju predložio da Sud svojom odlukom odbije tužbeni zahtjev kao neosnovan. Sud će donijeti presudu u ovoj pravnoj stvari u roku od 30 dana od dana zaključenja glavne rasprave tj. do 14.03.2025. godine.
- **Pripremno ročište 24.02.2025. godine - Tužitelj Hidrogradnja d.d. Sarajevo – u stečaju, Tuženi: Omega Group d.o.o. Sarajevo, radi: vraćanja stvari u posjed, Vsp: 4.628,52 KM.** Sud je odgodio pripremno ročište u ovoj pravnoj stvari obzirom da greškom Suda zakonski zastupnik tuženog nije uredno pozvan. Nastavak pripremnog ročišta zakazan je za dan 16.04.2025. godine u 9 sati.

U TREĆEM MJESECU 2025. GODINE TREBALO JE BITI ROČIŠTE U PREDMETU KAKO SLIJEDI:

- **Glavna rasprava 05.03.2025. godine – Tužitelj Hidrogradnja d.d. Sarajevo – u stečaju, Tuženi: GP ŽGP d.d. Sarajevo, radi vraćanja stvari u posjed, Vsp: 350.000,00 KM.** Ročište je odgođeno. Greškom Suda poziv za glavnu raspravu je dostavljen advokatu Kurtović Hakiji kojem je tuženi opozvao punomoć nakon otvaranja stečajnog postupka. Stečajni upravnik tuženog Besim Hamidović nije pristupio ročištu obzirom da mu Sud nije uredno dostavio poziv za raspravu.

U ČETVRTOM MJESECU 2025. GODINE ODRŽANA SU ROČIŠTA U PREDMETIMA KAKO SLIJEDI:

- **Glavna rasprava 08.04.2025. godine – Tužitelj Hidrogradnja d.d. Sarajevo – u stečaju, Tuženi: GP ŽGP d.d. Sarajevo, radi duga Vsp: 252.369,00 KM.** Punomoćnik tužitelja je u cijelosti ostao kod odgovora na tužbu, navoda istaknutih u toku postupka i izjavljene

protivtužbe. Provedeni su dokazi tužitelja – uvid i čitanje materijalne dokumentacije. Provedeni su dokazi tuženog – uvid i čitanje materijalne dokumentacije. Na ročište je pristupila Prašljević Kerima vještak finansijske struke. Vještak je u cijelosti ostala kod svog nalaza i mišljenja od 16.08.2019. godine. Punomoćnik tužitelja je postavljao pitanja vještaku i ostao kod ranijeg prijedloga za dopunu nalaza. Sud je naložio vještaku da uradi dopunu svog nalaza na osnovu prijedloga punomoćnika tužitelja. Saslušani su svjedoci: Muamer Šorlija, Duraković Mirsad, Bjelopoljač Mirsad. Nastavak ročišta za glavnu raspravu je zakazan za dan 20.06.2025. godine u 9,30. Na ročište će u svojstvu parnične stranke biti saslušan zakonski zastupnik tužitelja Fazlagić Zijad, stečajni upravnik.

- **Pripremno ročište 08.04.2025. godine – Tužitelj: Marhošević Mehmedalija, – Tuženi: Hidrogradnja d.d. Sarajevo – u stečaju, radi priznavanja prava vlasništva na osnovu dosjelošti, Vsp: 1000,00 KM.** Punomoćnik tužitelja je ostao kod tužbe, a tužbeni zahtjev tužitelj će precizirati nakon provedenog vještačenja po vještaku geodetske struke. Punomoćnik tuženog je ostao kod odgovora na tužbu i protivtužbenog zahtjeva opredjeljenog podneskom od 22.01.2025. godine. Sud je rješenjem odbio raspravljanje o protivtužbenom zahtjevu. Obrazloženje ovakve odluke Sud će navesti u prvostepenoj presudi. Punomoćnici parničnih stranaka su predložili dokaze koji će se provesti na ročištu za glavnu raspravu. Sud je usvojio dokaze koji će se provesti na ročištu za glavnu raspravu. Određeno je vještačenje po vještaku geodetske struke. Nastavak ročišta za glavnu raspravu zakazan je za dan 30.06.2025. godine u 12 sati.
- **Pripremno ročište 16.04.2025. godine – Tužitelj: Hidrogradnja d.d. Sarajevo – u stečaju – Tuženi: Omega Group d.o.o. Sarajevo, radi: vraćanja stvari u posjed, Vsp: 4.628,52 KM.** Parnične stranke u ovoj pravnoj stvari su zaključile sudsku nagodbu. U tački 1. Nagodbe je navedeno „Tuženi je dužan tužitelju isplatiti iznos 4.628,52 KM u roku od 30 dana.“ Sudska nagodba ima snagu izvršne isprave.
- **Glavna rasprava – 17.04.2025. godine - Tužitelj Hidrogradnja d.d. Sarajevo – u stečaju, – Tuženi: ŽGP d.d. Sarajevo, radi: vraćanja stvari u posjed, Vsp: 350.000,00 KM.** Punomoćnik tuženog nije pristupio na zakazano ročište za glavnu raspravu. Dana 16.04.2025. godine dostavio je podnesak Sudu u kojem moli za odgodu ročišta, iz razloga što su za ročište saznali naknadno od stečajnog upravnika. Sud nije dostavio poziv za ročište punomoćniku tuženog. Sud je u ovoj pravnoj stvari odgodio ročište za glavnu raspravu, obzirom da se radi o neurednj dostavi poziva za ročište. Novo ročište za glavnu raspravu zakazano je za dan 21.05.2025. godine u 9 sati.
- **Pripremno ročište 23.04.2025. godine – Tužitelj Hidrogradnja d.d. Sarajevo – u stečaju – Tuženi: Hercing d.o.o. Sarajevo.** Pripremno ročište u ovoj pravnoj stvari je odgođeno na prijedlog zakonskog zastupnika tuženog. Predlaže da se spor okonča zaključivanjem sudske nagodbe. Nastavak pripremnog ročišta zakazan je za 06.05.2025. godine u 14 sati.
- **Pripremno ročište 25.04.2025. godine - Tužitelj Hidrogradnja d.d. Sarajevo – u stečaju – Tuženi: 1. Grad Mostar, 2. JP Komunalno d.o.o. Mostar, radi: smetanja posjeda, Vsp: 31.000,00 KM.** Punomoćnik tužitelja ostaje kod tužbe i postavljenog tužbenog zahtjeva. Punomoćnik tužitelja je istakao prigovor o vrsti spora. Smatra da se ovdje radi o sporu koji treba da se rješava u parničnom postupku, a ne u privrednom sporu. Bitno je istaći da je postupajući sudija u ovom sporu sudija Privrednog odjeljenja. Sud se mora izjasniti o vrsti spora u ovoj pravnoj stvari i donijeti posebnu odluku van ročišta. Zakonski zastupnik prvotuzenog i punomoćnik drugotuzenog su ostali kod navoda iz odgovora na tužbu. Stranke u postupku su predložile dokaze koji će se provesti na ročištu za glavnu raspravu. Zakonski zastupnik prvotuzenog i punomoćnik drugotuzenog će se izjasniti o predloženim dokazima punomoćnika

tužitelja do nastavka pripremnog ročišta. Nastavak pripremnog ročišta zakazan je za dan 10.06.2025. godine u 12 sati.

U PETOM MJESECU 2025. GODINE ODRŽANA SU ROČIŠTA U PREDMETIMA KAKO SLIJEDI:

- **Pripreмно ročište 06.05.2025. godine – Tužitelj Hidrogradnja d.d. Sarajevo – u stečaju, Tuženi: Hercing d.o.o. Sarajevo, radi duga; Vsp: 14.275,90 KM.** Tuženi je dužan na ime glavnog duga isplatiti iznos od 14.275,90 KM u tri rate i to: prva rata 5.000,00 KM do 06.06.2025. godine, druga rata 5.000,00 KM do 06.07.2025. godine, treća rata 4.275,90 KM do 06.08.2025. godine;
- **14.05.2025. godine – Glavna rasprava - Tužitelj Hidrogradnja d.d. Sarajevo – u stečaju, Tuženi: Euro – Asfalt d.o.o. Sarajevo, radi duga, Vsp: 24.612,00 KM.** Sud je odredio novog vještaka mašinske struke Selmanović Adnana. Vještak je preuzeo predmet radi izrade nalaza. Predmet se nalazi kod vještaka pa nisu ispunjene procesne pretpostavke za održavanje ročišta za glavnu raspravu. Novo ročište je zakazano za 16.09.2025. godine.
- **15.05.2025. godine – Glavna rasprava - Tužitelj Hidrogradnja d.d. Sarajevo – u stečaju, Tuženi: Remex d.o.o. Tuzla.** Ročište za glavnu raspravu je održano pred Općinskim sudom u Tuzli. Vještak mašinske struke treba da uradi dopunu nalaza. Od tužitelja je tražio da mu se dostavi nova dokumentacija a to je i učinjeno. Sud je odgodio ročište na saglasan prijedlog punomoćnih stranaka, obzirom da vještak neće moći do zakazanog ročišta da uradi dopunu nalaza. Novo ročište za glavnu raspravu zakazano je za dan 17.06.2025. godine u 13 sati pred Općinskim sudom u Tuzli.
- **21.05.2025. godine – Glavna rasprava - Tužitelj: Tužitelj Hidrogradnja d.d. Sarajevo – u stečaju, Tuženi: ŽGP d.d. Sarajevo, radi vraćanja stvari u posjed, Vsp: 350.000,00 KM.** Kantonalni sud u Sarajevu je po žalbi tužitelja ukinuo prvostepenu presudu i predmet vratio na ponovni postupak – u fazi ročišta za glavnu raspravu. Punomoćnik tužitelja je u cijelosti ostao kod tužbe, svih navoda istaknutih u toku postupka i preciziranog tužbenog zahtjeva podneskom od 13.10.2022. godine. Nakon okončanja prvostepenog postupka nad tuženim je otvoren stečajni postupak. Tužitelj je prijavom potraživanja od 09.05.2023. godine prijavio svoja potraživanja, a stečajni upravnik tuženog je osporio ova potraživanja, a stečajni sudija je donio odluku o nastavku postupka. Punomoćnik tuženog je ostao kod odgovora na tužbu i svih navoda istaknutih u toku postupka. U ponovljenom postupku – na glavnoj raspravi će se pročitati zapisnici i izjave svjedoka, a vještak ekonomske struke i građevinske struke će se ponovo saslušati. Punomoćnici parničnih stranaka su predložili dokaze koji će se provesti na ročištu za glavnu raspravu i Sud je sve dokaze prihvatio. Novo ročište za glavnu raspravu zakazano je za 02.09.2025. godine.
- Skupština povjerenilaca stečajnog dužnika ŽGP d.d. Sarajevo 22.05.2025. godine. Stečajni povjerenilac Hidrogradnja d.d. Sarajevo – u stečaju je putem punomoćnika Zaćiragić Feđada, advokata uzeo učešće u radu Skupštine.

U ŠESTOM MJESECU 2025. GODINE ODRŽANA SU ROČIŠTA U PREDMETIMA KAKO SLIJEDI:

- **Pripreмно ročište 05.06.2025. godine – Tužitelj: ASA Testing d.o.o. Sarajevo, Tuženi: Hidrogradnja d.d. Sarajevo – u stečaju, radi: smetanja posjeda, Vsp: 10.001,00 KM.** Pripreмно ročište u ovoj pravnoj stvari je odgođeno na zahtjev tuženog. Advokat Zaćiragić Feđad je imao zakazano ročište isti dan u isto vrijeme na Sudu u Sarajevu. Nastavak pripremnog ročišta je zakazan za dan 08.07.2025. godine u 9 sati.

- **Pripremno ročište – Tužitelj: Hidrogradnja d.d. Sarajevo – u stečaju, Tuženi: 1. Grad Mostar, 2. JP Komunalno d.o.o. Mostar radi: smetanja posjeda, Vsp: 31.000,00 KM.** Sud je na ročištu strankama uručio Rješenje Općinskog suda u Mostaru broj 580Ps285262 24 Ps od 10.06.2025. godine kojim je odbijen prigovor punomoćnika tužitelja o stvarnoj nadležnosti Suda u Mostaru. Na navedeno rješenje Hidrogradnja d.d. Sarajevo – u stečaju će izjaviti žalbu u roku od 15 dana od dana prijema Rješenja. Punomoćnik tužitelja ostaje kod tužbe i dokaza predloženih na pripremnom ročištu od 25.04.2025. godine i predlaže nove dokaze podneskom od 04.06.2025. godine, koje je dostavio sudu i prvo i drugotuženom u ovom postupku. Punomoćnik prvotuženog ostaje kod odgovora na tužbu. Smatra da dokazi dostavljeni od strane punomoćnika tužitelja nemaju uticaja na ovu pravnu stvar te ih u cijelosti osporava. Punomoćnik drugotuženog ostaje kod odgovora na tužbu. Dokazne prijedloge tužitelja osporava u cijelosti. Sud je zakazao uviđaj na licu mjesta - Gornji Zalik – Mostar za dan 10.09.2025. godine u 12 sati. Određeno je vještačenje po vještaku geodetske struke Čeranić Azra. Određeno je da se ročište za glavnu raspravu zakaže nakon izvršenog uviđaja i nakon nalaza vještaka geodetske struke. Na ročištu za glavnu raspravu saslušaću se Fazlagić Zijad, stečajni upravnik – zakonski zastupnik tužitelja i svjedoci: Šabanović Nerviz, Alić Adis, Habibija Armel i Makumić Adis. Svi svjedoci su predloženi od strane punomoćnika tužitelja. Svjedoci predloženi od punomoćnika drugotuženog: Turkić Mensur i Rahimić Đani.
- **Glavna rasprava 17.06.2025. godine - Hidrogradnja d.d. Sarajevo – u stečaju, , Tuženi: Tuženi: Remex d.o.o. Tuzla, radi naknade štete, Vsp: 664.603,00 KM.** Uvidom u spis Sud je utvrdio da nisu ispunjene procesne pretpostavke za održavanje ročišta za glavnu raspravu obzirom da vještak mašinske struke nije sudu i parničnim strankama dostavio svoj nalaz i mišljenje u zakonskom roku. Sud je ročište za glavnu raspravu odgodio za 15.09.2025. godine u 11 sati.
- **Pripremno ročište – 19.06.2025. godine – Tužitelj: Hidrogradnja d.d. Sarajevo – u stečaju,– Tuženi: D-Inžinjeri d.o.o. Sarajevo, radi duga, Vsp: 16.411,27 KM.** Punomoćnici parničnih stranaka su se dogovorili da se u ovoj ravnoj stvari zaključi sudska nagodba. Nastavak pripremnog ročišta zakazan je za dan 15.07.2025. godine u 12,30.
- **Glavna rasprava – 20.06.2025. godine - Tužitelj: Tužitelj Hidrogradnja d.d. Sarajevo – u stečaju, Tuženi: ŽGP d.d. Sarajevo, radi duga, Vsp: 252.369,00 KM.** Vještak finansijske struke Kerima Prašljević je uradila dopunu svog nalaza i mišljenja. Nalaz nije blagovremeno dostavljen parničnim strankama na izjašnjenje, tj. najmanje osam dana prije zakazanog ročišta za glavnu raspravu. Iz naprijed navedenog razloga ne postoje pravne pretpostavke za održavanje ročišta za glavnu raspravu. Novo ročište za glavnu raspravu zakazano je za dan 19.09.2025. godine u 9,30.
- **Glavna rasprava – 30.06.2025. godine - Tužitelj: Marhošević Mehmedalija,–Tuženi: Hidrogradnja d.d. Sarajevo – u stečaju, radi priznavanja prava vlasništva na osnovu dosjelnosti, Vsp: 1.000,00 KM.** Punomoćnik tužitelja ostaje kod tužbe. Tužitelj će nakon provedenog dokaznog postupka opredijeliti tužbeni zahtjev. Punomoćnik tuženog ostaje kod odgovora na tužbu i predloženih dokaza. Punomoćnici parničnih stranaka izvode dokaze na ročištu za glavnu raspravu. Čita se nalaz i mišljenje vještaka geodetske struke Menzil Ersana od 14.05.2025. godine. Punomoćnik tužitelja izjavljuje da nema primjedbi na nalaz vještaka. Punomoćnik tuženog postavlja pitanja vještaku geodetske struke koji odgovora na pitanja i obrazlaže svoj nalaz. Sud je pristupio saslušanju tužitelja Marhošević Mehmedalije i punomoćnici parničnih stranaka su postavljali pitanja. Sud je odredio nastavak glavne rasprave za dan 17.09.2025. godine u 9:00. sud će saslušati Fazlagić zijada, stečajnog upravnika tuženog.

U SEDMOM MJESECU 2025. GODINE ODRŽANA SU ROČIŠTA U PREDMETIMA KAKO SLIJEDI:

- **Pripremno ročište 08.07.2025. godine – Tužitelj: ASA Testing Centar d.o.o. Sarajevo, Tuženi: Hidrogradnja d.d. Sarajevo – u stečaju, radi: smetanja posjeda, Vsp: 10.001,00 KM.** Punomoćnik tužitelja u cijelosti ostaje kod tužbe i postavljenog tužbenog zahtjeva. Punomoćnik tuženog ostaje kod odgovora na tužbu. Punomoćnik tužitelja je predložio dokaze koji će se provesti na ročištu za glavnu raspravu. Sud je rješenjem na pripremnom ročištu određene dokaze prihvatio da se provedu na određene dokaze je odbio da se provedu na ročištu za glavnu raspravu. Punomoćnik tuženog je predložio dokaze koji će se provesti na ročištu za glavnu raspravu. Sud je rješenjem na pripremnom ročištu određene dokaze prihvatio da se provedu na određene dokaze je odbio da se provedu na ročištu za glavnu raspravu. Sud je u ovoj pravnoj stvari zakazao Uviđaj na licu mjesta ul. Kurta Schorka br. 1 Sarajevo za dan 22.08.2025. godine u 9:30. Uviđaju obavezno mora prisustvovati vještak Haris Biogradlić i Habibija Armel, uposlenik Hidrogradnje d.d. Sarajevo – u stečaju. Na uviđaju će biti određen termin za ročište za glavnu raspravu.
- **Pripremno ročište – 15.07.2025. godine Tužitelj: Hidrogradnja d.d. Sarajevo – u stečaju, Tuženi: D-Inžinjering d.o.o. Sarajevo, radi duga, Vsp: 16.411,27 KM.** Punomoćnik tuženog je na ranijem pripremnom ročištu istakao da je tuženi određena sredstva uložio u renoviranje iznajmljenih prostorija. Iz tog razloga je tražio da se dug tuženog umanjí za uložena sredstva. Tužitelj je odbacio tu mogućnost. Međutim, komisija koja je formirana sa ciljem da se izvrši primopredaja objekta, obzirom da je Ugovor o najmu poslovnog prostora istekao, a dalje nije produžen, je stava da određeni iznos sredstava treba priznati tuženom i dug umanjíti za iznos uloženih sredstava u renoviranje prostora. Sud je pripremno ročište odložio da bi se utvrdio iznos uloženih sredstava. Nastavak pripremnog ročišta zakazan za 19.09.2025. godine u 10:00.

Stečajni sudija pojašnjava tok današnjeg ročišta, te obavještava da će se nakon raspravljanja o izmjenama i dopunama Stečajnog plana planu provesti i glasanje o planu, po grupama koje su predviđene u planu.

Stečajni sudija poziva stečajnog upravnika da ukratko iznese i pojasni izmjene i dopune Stečajnog plana “HIDROGRADNJA” D.D. Sarajevo u stečaju od novembra 2021. Godine

IZVOD IZ IZMJENA I DOPUNA STEČAJNOG PLANA “HIDROGRADNJA“ d.d. Sarajevo u stečaju, od novembra 2021. godine

U postupku postupanja po ranije usvojenom Stečajnom planu Hidrogradnja dd Sarajevo iz novembra 2021 godine, došlo je do zastoja u njegovoj primjeni, zbog nepostojanja odredbi Zakona o visini stope zatezne kamate na javne prihode kojim bi se otpisale dospjele zakonske zatezne kamate, a što je preduslov za primjenu i realizaciju usvojenog Stečajnog plana.

Radi eliminacije ovog neizvjesnog uslova za primjenu ovog usvojenog Stečajnog plana, ovim Izmenama se na prvom mjestu brišu odredbe Stečajnog plana koje uslovljavaju njegovu primjenu ovisno o postojanju važećeg Zakona o visini stope zatezne kamate na javne prihode kojim bi se otpisale dospjele zakonske zatezne kamate. Nakon usvojenih ovih Izmjena, Stečajni plan bi se dakle primjenjivao bez obzira na postojanje Zakona o visini stope zatezne kamate na javne prihode kojim bi se otpisale dospjele zakonske zatezne kamate.

Nadalje kako u ovom momentu dakle nije jasno da li će i kada navedene odredbe Zakona o visini stope zatezne kamate na javne prihode biti donesene (a od čega zavisi primjena usvojenog Stečajnog plana), radi otklanjanja ove prepreke u primjeni usvojenog Stečajnog plana, ovim Izmjenama Stečajnog plana stečajni upravnik predlaže da se izmjene i dopune odredbe Stečajnog plana Hidrogradnja d.d. Sarajevo iz novembra 2021.godine, na način da se izmjene i dopune Stečajnog plana vrše u dijelu nakon strane 34 Stečajnog plana, Prodaja privrednog subjekta, Poglavlje 3. Ciljevi stečajnog plana, iz novembra 2021 godine, tako da se tekst Stečajnog plana u tom dijelu mijenja, dopunjuje i sada glasi (izmjene u odnosu na raniji tekst Stečajnog plana je označen u podvučenom tekstu):

Dakle drugim riječima smatram da bi predloženi model prodaje trebalo pokušat primjeniti u narednom periodu, što očekujemo da će dati dobar rezultat, posebno što imamo nekoliko sagovornika koji će poslati pismo namjere i koji su poslali pismo namjere, **pa stoga u skladu sa članom 142 stav 1. Zakona o stečajnom postupku FBiH, predlažem**

PRODAJU PRIVREDNOG SUBJEKTA

3. Ciljevi stečajnog plana

3.1. Prodaja privrednog subjekta

Kupovinom privrednog subjekta kroz stečajni plan, kupac se obavezuje uplatiti cijenu koja će biti uplaćena stečajnom dužniku Hidrogradnja d.d. Sarajevu u stečaju, čime će se ostvariti najvažniji cilj stečajnog plana – bolja isplata potraživanja priznatih u stečajnom postupku, u odnosu na visinu isplate koja bi se mogla izvršiti da stečajnog plana nema.

Osim iznosa kupoprodajne cijene pravno lice Hidrogradnja d.d. Sarajevo koje nastavlja poslovanje ostaje u obavezi uplatiti iznos na ime dospjele zatezne kamate na porezne obaveze Poreznoj upravi FBiH na 60 jednakih rata (koje je priznao stečajni upravnik Poreznoj upravi FBiH u procentu planiranog namirenja za taj isplatni red) , ukoliko u roku od godinu dana ne stupi novi Zakon o izmjenama **Zakona o visini stope zatezne kamate na javne prihode kojim se vrši otpis dospjele zakonske kamate .**

Kao garancija za uplatu iznosa (u visini i procentu planiranog namirenja iz Stečajnog plana za taj isplatni red) na ime dospjele zatezne kamate na porezne obaveze kupac je saglasan da se na imovini organizacione jedinice Kakanj upiše hipoteka na iznos priznatih zateznih kamata (u visini i procentu planiranog namirenja iz Stečajnog plana za taj isplatni red) u korist Ministarstva finansija FBiH – Porezna uprava FBiH .

U poređenju situacije da li je bolja isplata potraživanja priznatih u stečajnom postupku kroz stečajni plan ili bi bila bolja isplata tih potraživanja da stečajnog plana nema, valja imati na umu sljedeće:

4.1.1. Prema stečajnom planu, prodaja privrednog subjekta obuhvata:

- prodaju prema završnom računu na dan prodaje,
- ostala prava koja proizilaze iz statusa privrednog subjekta, u zemlji i inostranstvu,
- prodaja prava i obaveza u Libiji koja stečajni upravnik zbog trenutne situacije u Libiji, nije mogao izvršiti uknjiženje u Bilans privrednog subjekta,

za početnu cijenu u iznosu od 88.067.552,50KM.

Ukoliko u roku od godinu dana od pravosnažnosti rješenja o potvrdi Stečajnog plana ne stupi na snagu novi Zakon o izmjenama **Zakona o visini stope zatezne kamate na javne prihode o otpisu dospjelih zateznih kamata, Hidrogradnja d.d. Sarajevo se obavezuje uplatiti iznos (u visini i procentu planiranog namirenja iz Stečajnog plana za taj isplatni red) od 20.599.101.42KM na ime dospjele zatezne kamate na 60 jednakih mjesečnih rata (koje je priznao stečajni upravnik Poreznoj upravi FBiH). Kao garancija za uplatu iznosa od 20.599.101.42KM (u visini i procentu planiranog namirenja iz Stečajnog plana za taj isplatni red) na ime zetezne kamate na porezne obaveze, pod uslovima koji su određeni ovim Stečajnim planom, kupac je saglasan da se na imovini**

organizacione jedinice Kakanj upiše hipoteka na iznos od 20.599.101.42KM dospjelih zatezних kamata u korist Ministarstva finansija FBiH – Porezna uprava FBiH . Ukoliko u roku od godinu dana od pravosnažnosti rješenja o potvrdi Stečajnog plana stupi na snagu Zakon o izmjenama Zakona o visini stope zatezne kamate na javne prihode o otpisu dospjelih zatezних kamata, cjelokupne dospjele zakonske kamate se u cijelosti otpisuju, a upisana hipoteka na iznos od 20.599.101.42KM dospjelih zatezних kamata u korist Ministarstva finansija FBiH – Porezna uprava FBiH, se briše.

4.1.2. Ako bi se prodaja vršila – prodajom imovine, imajući na umu probleme sa imovinom *naznačenoj na početku stečajnog plana*, nameću se problemi , koji bi se kod potencijalnih kupaca javljali kao što su:

- Imovina Brijesće, Kakanj, Hadžići, te dobar dio pokretne imovine su pod hipotekom (Porezne uprave FBiH, Vakufske banke, IGA, Uprava za indirektno oporezivanje). Drugi dio prava Libija, prava u drugim privrednim subjektima i nekolisodovana imovina i dr., su vrlo neizvjesni za uspješnu prodaju.
- Iskustvo sličnih firmi koje su u stečaju prodavali svoju imovinu pojedinačno, postupak su prodaje obnavljali nekoliko puta te tako snižavali cijenu za svaku slijedeću prodaju, što je dovodilo do toga da su imovinu prodavali ispod 50% procjenjenje vrijednosti,
- Također i naše iskustvo prema predhodnom planu reorganizacije pokazalo je da je sva imovina koju smo izlagali i prodavali pod A prodata za sniženu cijenu 50% i više.
- Postojanje mogućnosti razlučnih povjerilaca da se posebno namire tj. da oni unovčavaju imovinu pod hipotekom, tada bi prodavac – (hipotekarni povjerilac) vodio računa samo o namirenju svog potraživanja.

Ovo navodi na razmišljanje da ukoliko se stečajni plan prodaje privrednog subjekta ne usvoji, scenarij unovčenja stečajne mase bi najvjerojatnije teкао ovako:

Brijesće procjenje vrijednosti	(18.416.528,36),
Kakanj (kamenolom) procjenje vrijednosti	(14.858.833,89),
Hadžići procjenje vrijednosti	(8.260,897,04),

Na ovim nekretninama su upisani različni povjerioci Vakufska Banka, IGA (5.000.000.00 Eura) , Razvojna banka (5.000.000,00KM), Porezne uprave FBiH 41.184.955,49KM +31.000.000,00KM), što govori da bi se naplatili različni povjerioci u određenim procentima po okončanju spora, a viši isplatni red se nebi uopšte naplatio.

Ako se različni povjerioci namire iz navedenih nekretnina iz ostatka prodaje drugih nekretnina, nekonsolidovane imovine na lokaciji Butmir, neizvjesnog potraživanje iz Libije, ostaje cca 20 mil KM, time ne bismo mogli izvršiti uplatu poreznih obaveza u iznosu od 43.098.121,96KM, niti priznata radnička potraživanja u iznosu od 29.531.691,01KM, odnosno viši isplatni red bi se naplatio cca 20%, a opšti isplatni red ništa.

Iz navedenih razloga smatram da je varijanta prodaje privrednog subjekta kao cjeline kroz stečajni plan neuporedivo bolja jer bi se priznati različni povjerioci namirili u 100% iznosu, viši isplatni red najmanje Porezna uprava FBiH 100%, radnici 100% iznosu i opšti isplatni red najmanje u 70% iznosu.

3.2. Nastavak poslovanja privrednog subjekta u okviru registrovane djelatnosti i proširenje proizvodnje i radnih mjesta.

Raspoloživi podaci i realna situacija u kojoj se nalazi stečajni dužnik, nedvosmisleno pokazuje da glavni cilj stečajnog plana bolja naplata potraživanja priznatih u stečajnom postupku, uz zadržavanje poslovanja stečajnog dužnika, trenutno zaposlene radnike stečajnog dužnika, i zapošljavanje jednog djela ranijih zaposlenika stečajnog dužnika.

3.3. Namirenje povjerilaca za njihova stečajna potraživanja.

Primarni cilj stečajnog postupka je namirenje potraživanje povjerilaca, a ne vlasnika kapitala.

3.4. Penzionisanje radnika koji imaju uslove za penzionisanje,

Uplatom cjelokupnih doprinosa stekli bi se uslovi da naši penzionerima –radnicima kompletno povežemo staž. Ovim postupkom radnici bi stekli uslove za sticanje konačnog rješenje o penzionisanju i povećanju penzije.

4. Mjere koje su već poduzete radi realizacije stečajnog plana

Kako je naprijed navedeno ja sam u skladu sa Zakonom otvorio novi bankovni račun čime su stvoreni preduslovi za promet novčanih sredstava u poslovanju privrednog društva u stečaju.

Tokom 2018. godine ja sam prisustvovao sajmovima svjetskih ulagača, kako bih prezentirao imovinu stečajnog dužnika radi unovčenja. Pojedini organizatori a i sam stečajni dužnik je na nekoliko adresa potencijalnim kupcima, ulagačima poslao Katalog – Poziv potencijalnim partnerima za učešće . U Katalogu opisana je imovina stečajnog dužnika, buduće investicije sa ciljem da potencijalni ulagači – kupci budu animirani za učestvovanje u kupnji.

Sajmovi na kojima sam prisustvovao su:

- Sarajevo Business Forum '18 održan u Sarajevu u aprilu 2018. Godine,
- Investicijska konferencija Bosna i Hercegovina – Kina održana u zgradi parlamentarne skupštine BiH unovemburu 2018. godine,
- Svjetski kongres poduzetnika 2018, održan u Zagrebu u decembru 2018. godine.

Izvršeno je detaljno usaglašavanje knjigovodstvene evidencije sa stvarnim stanjem kroz prenos stanja imovine na novi program i posljednje inventurisanje, kako bi imovina za slučaj prodaje mogla biti uručena kupcu u stvarnom stanju.

Pored ovoga od samog otvaranja stečajnog postupka pokrenuti su sudski postupci sa istim ciljem tj. sa ciljem sudskog odlučivanja oko uknjiženja imovine posebno uknjiženje katastarskih čestica a vlasništvo su stečajnog dužnika.

Uzimajući u obzir ukupno stanje u kome se nalazi stečajni dužnik stanje imovine, obaveza i njegovu tehnološku opremljenost, kupca za privrednog subjekta je moguće pronaći, što predstavlja jedinu realnu mogućnost ostvarenja svih ciljeva zacrtanih stečajnim planom putem javnog poziva.

Procjene o nastavku poslovanja pokazale su kao opravdanim, te je time potvrđen kvalitet privrednog subjekta.

Prema ranijem Stečajnom planu reorganizacije od 2019. godine ja sam objavio 7

(sedam) Oglasa za prodaju imovine pod A i pod B, putem usmenog javnog nadmetanja.

Imovinu pod A ranijeg Stečajnog plana reorganizacije činila je pojedinačna imovina : Čavljak, Vitkovac, Alfa Paromlinska, Mostar Prigrađani, Mostar Sjeverni logor.

Imovinu pod B ranijeg Stečajnog plana reorganizacije činila je imovina Brijesće, Sigma, Hadžići, Kakanj, Irak- prava, Libija prava i obaveze, potraživanja po osnovu sudskih sporova, te sva druga prava koje ima Hidrogradnja d.d. Sarajevo.

Prema Stečajnom planu reorganizacije, stečajni upravnik je prodao imovinu pod A pojedinačnu imovinu Mostar – Prigrađane, Čavljak, i nekoliko katastarskih čestica Alfe Paromlinske.

Sve od 2019.godine do danas pojavljivali su se potencijalni kupci, čak su dostavljali i Pismo namjere za kupovinu, međutim zbog proglašene pandemije i epidemije zbog virusa COVID od marta 2020. godine

do danas , potencijalni kupci nisu mogli doći na dan održavanja javnih nadmetanja niti su bili u mogućnosti uplatiti osiguranje za učešće u javnom nadmetanju, te je rezultiralo da se nadmetanje proglašeno neuspjelim. Prodaja imovine pod A i B nije dala željene rezultate jer iz prodaje pojedinačnih nekretnina izmirene su samo upisane hipoteke koje su se vezale za prodatu nekretninu. Nakon što se pojavio zainteresovani kupac koji je izrazio želju za kupovinom privrednog subjekta, slobodno se može reći da se na njegov zahtjev pristupilo izradi novog Stečajnog plana koji je usvojen na Skupštini povjerilaca održanoj 14. aprila 2022. godine sa 99% glasova i kojim je predviđena prodaja privrednog subjekta. Na osnovu procjene sudskih vještaka a uz to i ime i referense Hidrogradnje te aktivnosti u inostranstvu posebno Libiji kondencioniranjem postojećih ugovora, vrijednost stečajne mase je povećana za nekoliko desetina miliona maraka. U Stečajnom planu usvojenom na ovoj Skupštini početna cijena za učestvovanje u javnoj licitaciji za kupovinu privrednog subjekta Hidrogradnje d.d. Sarajevo u stečaju, je 88.067.552,50 KM.

Prema usvojenom Stečajnom planu planirano namirenje je kako slijedi:

- Namirenje A grupe – razlučni povjerioci (IGA, UPRAVA ZA INDIREKTNO OPOREZIVANJE I BBI BANKA) iznosi 3.886.792,91 KM;
- Namirenje grupa B – viši isplatni red u 100% iznosu (Porezna uprava FBiH) iznosi 43.098.121,96 KM, na ime glavnog potraživanja, bez kamata
- Namirenje grupa C u 100% iznosu potraživanja (Radnici) iznosi 29.531.691,04 KM,
- Namirenje grupa D – opšti isplatni red (fizička i pravna lica) od priznatog potraživanja 14.382.351,87KM u 70% iznosu iznosi 10.067.646,30 KM.
- Sveukupno $A+B+C+D = 86.584.252,21\text{KM} + \text{rezervisana sredstva za parnične postupke i eventualne zahtjeve dioničara } 1.483.300,29\text{ KM} = 88.067.552,50\text{ KM}.$

Do danas je održano ukupno dvanaest usmenih javnih nadmetanja.

Na šestom nadmetanju održanom 22.12.2022. godine za pobjednika nadmetanja proglašen je Euroled d.o.o. Sarajevo. Na zahtjeve pobjednika nadmetanja te pribavljenih saglasnosti Odbora povjerilaca, rok za uplatu kupoprodajne cijene produžavan je više puta, da bi na kraju nadmetanje proglašeno neuspjelim.

Važno je napomenuti da su se u ovom periodu intenzivno vodile aktivnosti i slale urgencije nadležnim institucijama na izmjeni Zakona o visini stope zatezne kamate na javne prihode, u smislu produženja roka primjene odredbi koje se odnose na uplatu glavnice duga prema Poreznoj upravi, te nakon toga otpisa dospjele zatezne kamate. Ovo iz razloga kako bi Hidrogradnja ukoliko izmiri glavnice duga bila oslobođena kamata od cca 30 mil KM što bi u konačnici značilo namirenje radničkih potraživanja u 100% iznosu.

Dosadašnja neuspješna prodaja privrednog subjekta dijelom je uzrokovana produženjem roka za uplatu kupoprodajne cijene Euroled d.o.o. Sarajevo kojem je rok za uplatu bio produžavan osam puta da bi tek u decembru 2023. godine ponuda proglašena nevažećom. Zakon o Izmjenama Zakona o visini stope zatezne kamate na javne prihode je prestao da važi 19.06.2023. god.

Zbog navedenog Zakona, koji je usko vezan sa stečajnim planom iz novembra 2021.god. bili smo prinuđeni da ne objavljujemo oglase za prodaju te da obustavimo aktivnosti na prodaji privrednog

subjekta. Novi Zakon o izmjenama Zakona o visini stope zatezne kamate je objavljen u oktobru 2023 .god.kada smo mogli ponovo nastaviti sa aktivnostima za prodaju i objavljivanjem oglasa. I rat u Ukrajini, situacijom u BiH i uopšte prometom nekretnina u BiH, a sada i ratom na Bliskom istoku , su faktori koje su sigurno doprinjele ne postizanju planirane prodaje,ali nisu bili i jedini .

Svi dosadašnji Oglasi za prodaju ovog privrednog subjekta uz obavještenja sa prezentacijom Hidrogradnje i njenim referensama slati su na preko 3000 adresa u Zemlji i inostranstvu (diplomatskim predstavništvima – ambasadama, agencijama za unapređenje stranih investicija, bosansko investicionoj organizaciji BIO, koje su putem svojih agencija prosljeđivale oglas na preko 3.000 adresa, zatim Ministarstvu vanjskih poslova BiH, Privrednoj komori FBIH, Privrednoj komori Kantona Sarajevo, Fondaciji Bigmev i mnogim drugim institucijama i organizacijama).

Ovdje je važno napomenuti da sam išao sa prijedlogom za sniženje početne cijene umanjnje iznosa za isplatu bi bilo samo za povjerioce iz grupe C (radnička potraživanja) i grupa D (Opšti isplatni red) dok se različni -hipotekarni povjerioci namiruju 100%.

U proteklom periodu imao sam niz sastanaka i vodio korespodencije sa mnogo potencijalnih investitora iz Zemlje i svijeta koji su dostavili pisma namjere i iskazivali interes za kupovinu Hidrogradnje. Javljali su se potencijalni kupci iz Paname te tri afričke zemlje Gane, Gabona, Egipta. Bio sam učesnik na više sajmovi, a sve u cilju pronalaska potencijalnog kupca. O svim svojim aktivnostima redovno sam izvještavao Odbor povjerilaca, a o čemu je upoznat i Općinski sud u Sarajevu putem mojih Izvještaja koje redovno dostavljam svakog mjeseca.

Na osnovu Odluke Odbora povjerioca ja sam po instrukcijama Odbora, nastavio razgovore sa potencijalnim kupcima, što je rezultiralo, veoma ozbiljnu zainteresovanost za kupovinu privrednog subjekta zbog čega i predlažem ovaj način prodaje i usvajanja Stečajnog plana. Potencijalni kupci su pokazali veoma ozbiljnu zainteresovanost za kupovinu privrednog subjekta, ja sam u kontaktu, posebno sa zainteresovanim koji imaju pismo namjere , držeći u toplom stanju njihovu zainteresovanost da bi se u konačnici pretvorilo u učesnike za kupnju privrednog subjekta.

5. Koncept stečajnog plana

Radi ostvarenja cilja pod tačkom 4. gore, ja ću prodavati privredni subjekt Hidrogradnja dd Sarajevo, u stečaju, kao cjelinu, iskazanu u završnom računu na dan objave oglasa za javnu prodaju, ostala prava koja proizilaze iz statusa privrednog subjekta, te prodaja prava i obaveza u Libiji koja zbog trenutne situacije u Libiji, nisam mogao izvršiti uknjiženje u Bilans privrednog subjekta.

Pored navedenog ukoliko u roku od godinu dana od pravosnažnosti rješenja o potvrdi Stečajnog plana ne stupi na snagu novi Zakon o izmjenama **Zakona o visini stope zatezne kamate na javne prihode o otpisu dospjelih zateznih kamata, Hidrogradnja d.d. Sarajevo se obavezuje uplatiti iznos od 20.599.101.42KM (u visini i procentu planiranog namirenja iz Stečajnog plana za taj isplatni red) na ime zatezne kamate u 60 jednakih mjesečnih rata** (koje je priznao stečajni upravnik Poreznoj upravi FBIH) .

Kao garancija za uplatu iznosa od 20.599.101.42KM (u visini i procentu planiranog namirenja iz Stečajnog plana za taj isplatni red) na ime zatezne kamate na porezne obaveze, pod uslovima koji su određeni ovim Stečajnim planom, kupac je saglasan da se na imovini organizacione jedinice Kakanj upiše hipoteka na iznos od 20.599.101.42KM zateznih kamata u korist Ministarstva finansija FBiH – Porezna uprava FBiH .

Ukoliko u roku od godinu dana od pravosnažnosti rješenja o potvrdi Stečajnog plana stupi na snagu Zakon o izmjenama **Zakona o visini stope zatezne kamate na javne prihode o otpisu dospjelih zateznih kamata**, cjelokupne dospjele zakonske kamate se u cijelosti otpisuju, a upisana **hipoteka na iznos od 20.599.101.42KM dospjelih zateznih kamata u korist Ministarstva finansija FBiH – Porezna uprava FBiH, se briše.**

Privredni subjekat Hidrogradnja dd Sarajevo, u stečaju, će se prodavati upućivanjem javnog poziva za učestvovanje u kupnji u sredstvima javnog informisanja u zemlji i inostranstvu preko naših diplomatskim predstavništava u inostranstvu, Agenciji za javne investicije i drugim agencijama koje su naš Oglas ranije dostavljale na hiljade adresa.

U Oglasu će se obavezno naznačiti da je **Hidrogradnja d.d. Sarajevo koja nastavlja poslovanje obavezna je uplatiti iznos od 20.599.101.42KM (u visini i procentu planiranog namirenja iz Stečajnog plana iz tog isplatnog reda) na ime zatezne kamate na 60 jednakih mjesečnih rata Poreznoj upravi FBIH** (koje je priznao stečajni upravnik Poreznoj upravi FBIH), ukoliko u roku od godinu dana od dana pravosnažnosti rješenja o potvrdi Stečajnog plana ne stupe na snagu odredbe novog Zakona o izmjenama **Zakona o visini stope zatezne kamate na javne prihode, o otpisu dospjele zakonske kamate.**

Kao garancija za uplatu iznosa od 20.599.101.42KM (u visini i procentu planiranog namirenja iz Stečajnog plana iz tog isplatnog reda) na ime zatezne kamate na porezne obaveze kupac je saglasan da se na imovini orgnizacione jedinice Kakanj upiše hipoteka na iznos priznatih zateznih kamata u korist Ministarstva finansija FBiH – Porezna uprava FBiH .

Početna cijena u javnom pozivu za učestvovanje u javnoj licitaciji za kupovinu privrednog subjekta Hidrogradnja dd Sarajevo, u stečaju, je 88.067.552,50KM.

Javno oglašavanje, razgovore sa potencijalnim zainteresovanim kupcima, izbor kupca i izradu prijedloga ugovora sa kupcemja ću obaviti nakon što povjerioci usvoje stečajni plan, a čitav proces oglašavanja, i izrade prijedloga ugovora, ja ću voditi uz saglasnost Odbora povjerilaca stečajnog dužnika. Potvrđivanje stečajnog plana od strane stečajnog suda izvršit će se na osnovu Izvještaja stečajnog upravnika o uspjehu prodaje privrednog subjekta, odnosno o izboru najpovoljnijeg ponuđača i uplati kupoprodajne cijene na račun stečajnog dužnika.

Po izvršenoj uplati cijene postignute javnim nadmetanjem od strane kupca, na račun stečajnog dužnika, stečajni sud će donjeti Rješenje o potvrđivanju stečajnog plana, nakon čije pravosnažnosti, u roku od 60 dana, stečajni upravnik će izvršiti izmirivanje priznatih i nespornih potraživanja po isplatnim redovima i u iznosima kako je to predviđeno Stečajnim planom.

Općinski sud u Sarajevo će istim Rješenjem obavezat Hidrogradnju d.d. Sarajevo da uplati iznos od 20.599.101.42KM (u visini i procentu planiranog namirenja iz Stečajnog plana iz tog isplatnog reda) na ime zatezne kamate na 60 jednakih mjesečnih rata Poreznoj upravi FBIH (koje je priznao stečajni upravnik Poreznoj upravi FBIH), ukoliko u roku od godinu dana od pravosnažnosti rješenja o potvrdi Stečajnog plana ne stupe na snagu odredbe novog Zakona o izmjenama **Zakona o visini stope zatezne kamate na javne prihode o otpisu dospjelih zateznih kamata.**

Nakon usvajanja Stečajnog plana od strane Skupštine Hidrogradnja dd Sarajevo, u stečaju, i nakon uplate kupoprodajne cijene u skladu sa gore navedenim, stečajni sud će donijeti Rješenje o potvrdi usvojenog Stečajnog plana, kojim stečajni sud:

1. Nalaže da stečajni upravnik stečajnog dužnika iz uplaćene kupoprodajne cijene izvrši, u **roku od 60 dana po pravosnažnosti rješenja o potvrdi Stečajnog plana**, isplatu priznatih i nespornih potraživanja stečajnih povjerilaca u skladu odredbama Zakona o stečajnom postupku i usvojenim Stečajnim planom;
2. Nalaže stečajnom upravniku stečajnog dužnika da sve evidentirano i ustanovljeno po završnom računu i ostalim evidencijama koje čine imovinu i prava, na dan objave oglasa za javnu prodaju, preda kupcu, od ovih odredbi može biti i treba biti izuzeto –

korigovano poslovne promjene neophodne za redovno poslovanje privrednog subjekta u stečajju, kao i da pruži pomoć prilikom upisa tih prava u javne registre;

3. Mijenja vlasništvo nad postojećim dionicama emitenta Hidrogradnja d.d. Sarajevo stečajnog dužnika tako što vlasnik 5.658.741 REDOVNIH dionica oznake HDGSR, KLASE ES, emitenta Hidrogradnja d.d. Sarajevo –stečajnog dužnika, postaje kupac, čime se na kupca prenose 5.658.741 REDOVNIH dionica oznake HDGSR, KLASE ES, dionice emitenta Hidrogradnje d.d. Sarajevo;
4. Naređuje brisanje založnih prava i pljenidbe iz tačke 3.9. Osnove za provođenje Stečajnog plana;
5. Nalaže Registru vrijednosnih papira FBiH da briše vlasništvo na 5.658.741 redovnih dionica, oznake HDGSR, klase ES, emitenta Hidrogradnja dd Sarajevo, dioničara prema Listi dioničara, Registra vrijednosnih papira Federacije BiH, koji su imali pravo vlasništva na dionicama Hidrogradnje dd Sarajevo, na dan objave Oglasa za prodaju privrednog subjekta;
6. Nalaže Registru vrijednosnih papira FBiH da na registarski račun kupca upiše 5.658.741 redovnih dionica, oznake HDGSR, klase ES, emitenta Hidrogradnja d.d. Sarajevo tj. sve dionice navedene u Listi dioničara Hidrogradnja d.d. Sarajevo kod Registra vrijednosnih papira sa stanjem na dan objave Oglasa za prodaju privrednog subjekta;
7. Nalaže se Odjeljenju registra za upis pravnih lica Općinskog suda u Sarajevu kao i svim drugim javnim registrima, da brišu vlasništvo svih predhodnih vlasnika i dioničara Hidrogradnja d.d. Sarajevo koji su to bili na dan objavljivanja Oglasa za prodaju pravnog lica i da istovremeno kao vlasnika kapitala Hidrogradnje d.d. Sarajevo u 100% iznosu, upiše kupca pravnog lica po stečajnom planu.
8. Naređuje brisanje založnih prava iz tačke 3.7. i 3.8. Osnove za provođenje Stečajnog plana;
9. Zasniva založno pravo u korist Ministarstva Finansija FBiH – Poreske uprave za isplatu iznosa od 20.599.101.42KM na ime dospjelih kamata, na imovoni organizacione jedinice Kakanj, a prema uslovima iz ovog Stečajnog plana
10. Obavezuje kupca da nastavi registrovane poslovne djelatnosti i istu obavlja najmanje 5 godine, uz zadržavanje postojećeg broja radnika stečajnog dužnika koji su zatečeni u radnom odnosu na dan pravosnažnosti rješenja o potvrdi stečajnog plana;
11. Obavezuje Hidrogradnju d.d. Sarajevo da uplati iznos od 20.599.101.42KM **(u visini i procentu planiranog namirenja iz Stečajnog plana iz tog isplatnog reda) na ime zatezne kamate na 60 jednakih mjesečnih rata Poreznoj upravi FBiH (koje je**

priznao stečajni upravnik Poreznoj upravi FBIH), ukoliko u roku od godinu dana od pravosnažnosti rješenja o potvrđi Stečajnog plana ne stupe na snagu odredbe novog Zakona o izmjenama **Zakona o visini stope zatezne kamate na javne prihode o otpisu dospjele zatezne kamate.**

12. Određuje da su Reorganizovani stečajni dužnik i kupac oslobođeni obaveza prema drugim pravnim i fizičkim licima koje su nastale prije otvaranja stečajnog postupka, kao i obaveze koje su nastale u toku stečajnog postupka, zaključno sa danom izvršene primopredaje između prodavca i kupca, osim obaveza koje se odnose na isplatu dospjelih zateznih kamata prema Poreskoj upravi FBIH koje će se izmirivati prema odedbama ovog Stečajnog plana i osim obaveza koja su nastala kao potraživanje za neophodnost poslovanja u fazi oglašavanja i primopredaje privrednog subjekta, a ista će biti kompenzirana potraživanjima iz tekućeg poslovanja. Reorganizovani stečajni dužnik i kupac oslobođeni su obaveza prema drugim pravnim i fizičkim licima i za obaveze koje proisteknu iz eventualnih sporova nastalih u realizaciji stečajnog plana (naknada štete, vlasničke tužbe i dr.);
13. Određuje da pravna lica koja su vršila usluge stečajnom dužniku od općeg interese ne mogu obustaviti pružanje usluga kupcu ili Reorganizovanoj Hidrogradnji dd Sarajevo, zbog neplaćenih računa nastalih prije otvaranja stečajnog postupka ili za vrijeme vođenja stečajnog postupka nad stečajnim dužnikom;
14. Određuje da se obaveze stečajnog dužnika prema drugim pravnim i fizičkim licima nastale prije i u toku stečajnog postupka poslije umanjenja iz stava 12, izmiruju samo sa posebnog računa stečajnog dužnika , otvoren kod XX br. XX, na koji je uplaćena kupoprodajna cijena, s tim da će se isplata dospjelih zateznih kamata Poreskoj upravi FBIH pod uslovima iz ovog Stečajnog plana vršiti samo sa računa Hidrogradnja dd Sarajevo. Sa posebnog računa stečajnog dužnika , otvoren kod XX br. XX, tog i iz tih novčanih sredstava mogu se isplaćivati i troškovi stečajnog upravnika načinjenih u svrhu realizacije Stečajnog plana, kao i isplatu naknadno pronađene imovine stečajnog dužnika;
15. Određuje da novčana sredstva na posebnom računu br. XX otvoren kod XX, vlasništvo stečajnog dužnika na kojima su rezervisana sredstva iz kupoprodajne cijene (za isplatu osporenih potraživanja, troškova i isplate naknadno pronađene imovine), ne mogu biti predmet prinudnog izvršenja za potraživanja prema Hidrogradnji dd Sarajevo, koja su nastala nakon pravosnažnosti rješenja stečajnog suda o potvrđi Stečajnog plana;
16. Određuje da se sudske parnice i drugi sudski postupci, kao i upravni i drugi postupci koje se vode kod sudova i upravnih organa gdje se kao tužitelj ili podnosilac zahtjeva pojavljuje Hidrogradnja d.d. Sarajevo ili Hidrogradnja d.d. Sarajevo u stečaju, prenose na Hidrogradnju dd Sarajevo, koja je ovlaštena nastaviti, pokretati i voditi parnice i sve sudske i druge postupke, radi ostvarenja imovinskih i drugih interesa Hidrogradnja dd Sarajevo;

17. Određuje da nakon obustave stečajnog postupka nad stečajnim dužnikom, stečajni upravnik nastavlja da zastupa Hidrogradnju dd Sarajevo u parničnim postupcima za dokazivanje osnovanosti osporenih potraživanja i to u predmetima Općinskog suda u Sarajevu br 56 0 P 057143 17 P, 65 0 Ip 20657777 16 17 Ip , 65 0 Ps 627660 17 Ps, 65 0 Rs 552762 16 Rs, 36 0 P 026166 16 P2, 65 0 Ps 303724 12 Ps, 65 0 Ps 616805 16 Ps, 65 0 Ps 384066 19 Pž 2, 65 0 Ps 773773 19 Ps, 65 0 Ps 689269 19 Ps2, 65 0 P 696805 18 P, 65 0 Ps 697449 18 Ps, 65 0 Ps 697102 18 Ps, 65 0 Ps 697487 18 Ps, 65 0 Ps 487671 18 Ps, 65 0 Ps 688813 18 Ps, 65 0 Ps 698034 18 Ps, 65 0 Ps 698486 Ps, 65 o Ip 744111 18 Ip, koji postupci se nakon obustave stečajnog postupka nastavljaju voditi kao postupci za utvrđenje naknadno pronađene imovine Hidrogradnja dd Sarajevo, u stečaju;

Obavezuje se kupac da do zaključenja stečajnog postupka obezbjedi uslove za rad stečajnog upravnika zbog nastavka vođenja postupaka za predmete stečajnog postupka.

18. Nalaže Odjeljenju registra za upis pravnih lica Općinskog suda u Sarajevu kao i svim drugim javnim registrima, bankama i dr., da na odgovarajuća mjesta upišu zabilježbe, radi trajnog upoznavanja svih trećih lica:

- I. Da Hidrogradnja dd Sarajevo niti njen kupac, svojom imovinom ne odgovaraju za obaveze prema trećim licima koje su nastale prije pravosnažnosti rješenja stečajnog suda o potvrdi Stečajnog plana, osim u djelu u kojem je nad imovinom Hidrogradnja dd Sarajevo zasnovano založno pravo nad imovinom organizacione jedinice u Kakanju radi isplate obaveza po dospjelim zakonskim zateznim kamatama u korist Ministarstva finansija FBiH – Porezna uprava FBiH;
- II. Da novčanim sredstvima na posebnom računu br. XX otvoren kod XX, vlasništvo stečajnog dužnika na kojima su rezervisana sredstva iz kupoprodajne cijene (za isplatu osporenih potraživanja, troškova - nagrade i ostali troškovi koji se mogu podvesti pod troškove stečajne mase i isplate naknadno pronađene imovine), raspoláže i njima upravlja samo stečajni upravnik, u skladu sa Zakonom o stečajnom postupku i usvojenim Stečajnim planom;
- III. Da novčana sredstva na posebnom računu br. XX otvoren kod XX, vlasništvo stečajnog dužnika na kojima su rezervisana sredstva iz kupoprodajne cijene (za isplatu osporenih potraživanja, troškova i isplate naknadno pronađene imovine), ne mogu biti predmet prinudnog izvršenja za potraživanja prema Hidrogradnji dd Sarajevo, koja su nastala nakon pravosnažnosti rješenja stečajnog suda o potvrdi Stečajnog plana;
- IV. Da u postupcima za dokazivanje osporenih potraživanja, nakon zaključenja stečajnog postupka nad Hidrogradnja dd Sarajevo, u stečaju, Hidrogradnju dd Sarajevo u tim postupcima zastupa samo stečajni upravnik, a ne direktor ili neko treće lice;
- V. Da povjerioci stečajnog dužnika Hidrogradnja dd Sarajevo, u stečaju, čija potraživanja su u stečajnom postupku osporena i za koje se vode postupci radi dokazivanja potojanja tih osporenih potraživanja, u slučaju uspjeha u sporovima koji su u toku u vrijeme pravosnažnosti rješenja o potvrdi Stečajnog plana, svoja potraživanja iz tih parnica mogu namirivati samo iz sredstava na

kojima se nalaze rezervisna sredstava iz kupoprodjane cijene, na računu vlasništvo stečajnog dužnika , br. XX otvoren kod XX, a kojim novčanim sredstavima jedino upravlja i raspolaže stečajni upravnik u skladu sa Zakonom o stečajnom postupku i usvojenim Stečajnim planom.

Nakon protoka roka od 60 dana po pravosnažnosti rješenja o potvrdi Stečajnog plana, sud će donijeti Rješenje o obustavi stečajnog postupka nad stečajnim dužnikom Hidrogradnja d.d. Sarajevo, u stečaju, kojim se :

- *Obustavlja stečajni postupak na stečajnim dužnikom Hidrogradnja d.d. Sarajevo, u stečaju, ul. Izeta Čomare bb;*
- *Nalaže Odjeljenju registra za upis pravnih lica Općinskog suda u Sarajevu da izvrši brisanje zabilješke o upisu rješenja o otvaranju stečajnog postupka nad ovim privrednim društvom.*

Nakon pravosnažnosti Rješenja o obustavi stečajnog postupka, stečajni sud će nakon izvještaja stečajnog upravnika da su okončane sve parnice radi utvrđenja postojanja osporenih potraživanja i da su izmireni svi povjerioci koji su u tim parnicama dokazali postojanje svojih osporenih potraživanja, donijeti Rješenje o zaključenju postupka o naknadnoj dobi iz naknadno pronađene imovine stečajnog dužnika.

Iz naprijed navedenog očigledno proizilazi da se u konkretnom slučaju radi o uslovnom stečajnom planu, koji će stupiti na snagu tek ukoliko se pronađe kupac za kupovinu privrednog subjekta Hidrogradnja dd Sarajevo, u stečaju, pod uslovima predviđenim stečajnom planom i nakon uplate cjelokupne kupoprodajne cijene na račun stečajnog dužnika.

7.Mjere koje će se poduzeti radi realizacije cilja stečajnog plana.

Nakon usvajanja stečajnog plana ja kao stečajni upravnik vršit ću prodaju privrednog subjekta putem Javnog oglasa sa uslovima koje na prijedlog stečajnog upravnika odobrava Odbor povjerilaca stečajnog dužnika, a isti se objavljuje u sredstvima javnog informisanja najkasnije u roku od 60 dana od usvajanja plana.

Ja kao stečajni upravnik će na dan oglašavanja Javnog oglasa za prodaju privrednog subjekta obavjestiti Registar vrijednosnih papira FBiH o zabrani prometa dionicama emitenta Hidrogradnje d.d. Sarajevo.

8.Način realizacije stečajnog plana

8.1. Stečajni upravnik će izvršiti prodaju PRIVREDNOG SUBJEKTA kao cjeline , u skladu sa članom 142 stav 1 Zakona o stečajnom postupku FBiH sa ciljem namirenja povjerioca u skladu sa tabelom priznatih potraživanja i na način kako je to navedeno u Provedbenoj osnovi Plana.

8.2. Nakon izmirenja potraživanja navedenih u Provedbenoj osnovi plana, stečajni postupak nad stečajnim dužnikom će se okončati, a pravno lice nastaviti poslovanje van stečaja.

II. OSNOVA ZAPROVOĐENJE (član 146 ZSP)

1.GRUPISANJE POVJERILACA PO GRUPAMA

Radi glasanja o stečajnom planu povjerioci se razvrstavaju u sljedeće grupe prema sljedećim kriterijama:

A GRUPA

Razlučni povjerioci:

IZVOZNO KREDITNA AGENCIJA BIH iznos od 2.000.000,00KM,
UPRAVA ZA INDIREKTNO OPOREZIVANJE BIH (iz prodaje imovine vozila, mašine i oprema) sa iznosom od 1.678.492,91KM,
BBI BANKA iznos od 188.299,42KM

Ova grupa povjerilaca je formirana na bazi pravnog statusa različnog povjerioca i planiranog namirenja različnih povjerioca u ovoj grupi u 100%-tnom iznosu priznatih potraživanja u novčanom obliku.

Ukupan iznos za isplatu različnih povjerioca iz ove grupe iznosi **3.886.792,91KM**.

B GRUPA (POREZNE OBAVEZE – DOPRINOSI, POREZI)

B grupa - Viši isplatni red su (Porezne obaveze - Porezna uprava FBiH) sa iznosom od 43.098.121,96KM, na ime glavnog potraživanja, bez kamata.

Ova grupa povjerilaca je formirana na bazi pravnog statusa višeg isplatnog reda i planiranog namirenja B grupe – višeg isplatnog reda u 100%-tnom iznosu priznatih potraživanja u novčanom obliku i to 43.098.121,96KM.

Ukupan iznos predviđen za isplatu B grupe (Porezne obaveze Porezne uprave FBiH) je iznos od 43.098.121,96KM odnosno 100% iznos priznatog potraživanja.

Isplatom iznosa od 43.098.121,96KM na ime glavnog potraživanja po osnovu doprinosa, poreza i drugih javnih prihoda, Poreznoj upravi FBiH, ukoliko u roku od godine dana od dana pravosnažnosti rješenja o potvrdi Stečajnog plana na snagu stupe odredbe novog Zakona o izmjenama **Zakona o visini stope zatezne kamate na javne prihode o otpisu kamata**, otpisuju se u cijelosti iznos potraživanja na ime kamate u iznosu od 29.427.287,75KM.

C GRUPA (RANIJI ZAPOSLENICI STEČAJNOG DUŽNIKA)

Povjerioci C grupe - višeg isplatnog reda su (Raniji zaposlenici stečajnog dužnika) sa iznosom od 29.531.691,04KM

Ova grupa povjerilaca je formirana na bazi pravnog statusa povjerilaca višeg isplatnog reda planiranog namirenja C grupe - viši isplatni red (Povjerioci- Raniji zaposlenici stečajnog dužnika) u 100% **iznosu u** novčanom obliku u iznosu od 29.531.691,04KM.

Ukupan iznos predviđen za isplatu povjerilaca C grupa (Raniji zaposlenici stečajnog dužnika) je iznos od 29.531.691,04KM odnosno 100% iznos priznatog potraživanja.

D GRUPA (OPŠTI ISPLATNI RED – PRAVNA/FIZIČKA LICA)

Povjerioci D grupe - opšteg isplatnog reda su pravna lica /fizička lica nastala iz potraživanja obligacionog odnosa sa iznosom od 14.382.351,87KM, bez Porezne uprave FBiH.

Ova grupa povjerilaca je formirana na bazi pravnog statusa povjerilaca opšteg isplatnog reda i planiranog namirenja D Grupe - povjerioca opšteg isplatnog reda je 70% iznosa od iznosa priznatih potraživanja u novčanom obliku u iznosu od 10.067.646,30KM.

Ukupan iznos predviđen za isplatu povjerilaca D grupe je 10.067.646,30KM odnosno 70% od ukupno priznatog iznosa potraživanja (14.382.351,87 KM).

E GRUPA (OPŠTI ISPLATNI RED - ZATEZNE KAMATE POREZNA UPRAVA FBiH)

Povjerioci E grupe – opšteg isplatnog reda je pravno lice Porezna uprava FBiH sa iznosom od 29.427.287,75KM na ime zateznih kamata.

Ova grupa povjerilaca je formirana na bazi pravnog statusa povjerilaca opšteg isplatnog reda i planiranog namirenja E Grupe - Porezna uprava za potraživanja dospjelih zateznih kamata koje će biti isplaćene u roku od 3 godine, u 60 jednakih mjesečnih rata, pod uslovom da u roku od godinu dana od stupanja na snagu ovog Stečajnog plana ne stupi na snagu Zakon o izmjenama Zakona o visini stope zatezne kamate na javne prihode o otpisu dospjele zatezne kamate.

Ukoliko u roku od godinu ne stupi novi Zakon o izmjenama **Zakona o visini stope zatezne kamate na javne prihode o otpisu dospjele zatezne kamate** ukupan iznos predviđen za isplatu povjerioca E grupe, koju isplatu će izvršiti Hidrogradnja d.d. Sarajevo na 60 jednakih rata, je 20.599.101.42KM odnosno 70% od ukupno priznatog iznosa potraživanja (29.427.287.75KM).

Kao garancija za uplatu iznosa (u visini i procentu planiranog namirenja ove grupe) na ime zatezne kamate na porezne obaveze kupac je saglasan da se na imovini organizacione jedinice Kakanj upiše hipoteka na iznos 20.599.101.42KM na ime zateznih kamata u korist Ministarstva finansija FBiH – Porezna uprava FBiH.

2.Obaveze nakon pravosnažne potvrde stečajnog plana

U roku od 60 dana od pravosnažnosti potvrde stečajnog plana od strane stečajnog suda, iz uplaćene kupoprodajne cijene od prodaje PRIVREDNOG SUBJEKTA u visini od **88.067.552,50 KM** izvršiće se isplata priznatih potraživanja na sljedeći način:

- A grupa - Razlučnom povjeriocu IZVOZNO KREDITNA AGENCIJA BIH iznos od 2.000.000,00KM, UPRAVI ZA INDIREKTNO OPOREZIVANJE BIH iznos od 1.678.492,91KM, BBI BANKA iznos od 188.299,42KM; ukupno **3.886.792,91KM**
- B grupa (porezne obaveze – doprinosi, porezi ...) Porezna uprava FBiH iznos od **43.098.121,96KM** na ime glavnog potraživanja ovog Povjerioca
- Isplatom iznosa od 43.098.121,96KM na ime glavnog potraživanja po osnovu doprinosa, poreza i drugih javnih prihoda, Poreznoj upravi FBiH, ukoliko u roku od godine dana od dana pravosnažnosti rješenja o potvrdi Stečajnog plana na snagu stupe odredbe novog Zakona o izmjenama **Zakona o visini stope zatezne kamate na javne prihode o otpisu kamata**, otpisuju se u cijelosti iznos potraživanja na ime kamate u iznosu od 29.427.287,75KM.
- C grupa (Povjerioci - Raniji zaposlenici stečajnog dužnika) prema spisku povjerilaca Višeg isplatnog reda (prilog 38) iznos od **29.531.691,04KM**
- D grupa (pravna/fizička lica nastala iz potraživanja obligacionog odnosa) prema spisku povjerilaca Opšteg isplatnog reda iznos od **10.067.646,30KM**
- E GRUPA ((opšti isplatni red - zatezne kamate Porezna uprava FBiH) Iznos od **20.599.101.42KM**

Ukoliko u roku od godinu od pravosnažne potvrde ovog Stečajnog plana ne stupe na snagu odredbe Zakona o izmjenama Zakona o visini stope zatezne kamate na javne prihode o otpisu dospjele kamate, ukupan iznos predviđen za isplatu povjerioca E grupe, koju isplatu će izvršiti Hidrogradnja d.d. Sarajevo na 60 jednakih mjesečnih rata, je 20.599.101.42KM odnosno 70% od ukupno priznatog iznosa potraživanja (29.427.287.75KM).

Kao garancija za uplatu iznosa (u visini i procentu planiranog namirenja ove grupe za ovaj ispladni red) na ime zatezne kamate na porezne obaveze kupac je saglasan da se na imovini organizacione jedinice Kakanj, i to zK ul br XX upiše hipoteka na iznos od 20.599.101.42KM zateznih kamata u korist Ministarstva finansija FBiH – Porezna uprava FBiH .

Nakon navedene isplate, rezrevisat će se i iznos od 1.483.300,29KM i to:

A - za parnične postupke koji su pokrenuti od strane stečajnih povjerilaca čija potraživanja su oposrena , a koji iznosi potraživanja predstavljaju grupu Opšti islatni red, te njihovo eventualno namirenje je u procentu koji važi za ovu grupu povjerilaca i to:

- Razvojna Banka FBiH za iznos od 14.884,89KM,
- Petrol BH Oil Company za iznos od 41.757,75KM,
- Bonsaplod EXPORT – IMPORT ZA IZNOS OD 404.454,31KM,

B – za eventualni odštetni zahtjev vlasnika dionica prema nalazu i mišljenju sudskog vještaka tržišna vrijednost dionice oznake HDGSR, KLASE ES, emitenta Hidrogradnja d.d. Sarajevo na dan 09.07.2021.godine iznosi 0,13KM/dionici, zbog čega u rezrevisani iznos od 1.453.803,23KM ulazi i iznos od 735.636,33 KM (0,13KM X 5.658.741).

U slučaju uspjeha u parnicama za njihovo dokazivanje, troškova i kao dio naknadno pronađene imovine stečajnog dužnika, ostaje na računu stečajnog dužnika na koji je kupac izvršio kupoprodajnu cijenu, s tim da nakon obustave stečajnog postupka nad Hidrogradnja dd Sarajevo, u stečaju, novčanim sredstvima na ovom računu i uopšte ovim računom upravlja i raspolaže samo stečajni upravnik sa ciljem realizacije Stečajnog plana, isplate osporenih potraživanja nakon eventualnog uspjeha u sporovima za njihovo dokazivanje, troškova – nagrade i ostalih troškova koji se mogu podvesti pod troškovima stečajne mase i isplate naknadne diobe iz naknadno pronađene imovine stečajnog dužnika.

3.Stupanje na snagu stečajnog plana, Važenje stečajnog plana, Upis novog vlasnika u javnom registru, Status založnih prava nad imovinom stečajnog dužnika

3.1.Stečajni plan stupa na snagu pravosnažnošću rješenja o potvrdi stečajnog plana donesenog od strane stečajnog sudiše.

3.2. Pravosnažnošću rješenja o potvrdi stečajnog plana kupac postaje vlasnik 100% pravnog lica „Hidrogradnja“ d.d. Sarajevo.

3.3. Privredni subjekat nastavlja poslovanje u okviru registrovane djelatnosti u zemlji i inostranstvu.

3.3.1. Privredni subjekat Hidrogradnja d.d. Sarajevo se obavezuje da uplati iznos **u visini ,od 20.599.101.42 KM na ime zatezne kamate na 60 jednakih mjesečnih rata Poreznoj upravi FBiH,** ukoliko u roku od godinu od dana pravosnažnosti Rješenja o potvrdi Stečajnog plana na snagu ne stupi nove odredbe Zakona o izmjenama **Zakona o visini stope zatezne kamate na javne prihode o otpisu dospjelih kamata.**

3.4. Kupac je obavezan da najmanje 5 godine u Hidrogradnji dd Sarajevo nastavi poslovanje, i da za to vrijeme u Hidrogradnji dd Sarajevo zadrži u radnom odnosu onaj broj zaposlenika kod stečajnog dužnika koji se u radnom odnosu zatekne kod stečajnog dužnika na dan pravosnažnosti rješenja o potvrdi stečajnog plana.

3.5. Rješenjem stečajnog suda o potvrdi Stečajnog plana, stečajni sud:

1. Nalaže da stečajni upravnik stečajnog dužnika iz uplaćene kupoprodajne cijene izvrši u roku od 60 dana po pravosnažnosti rješenja o potvrdi Stečajnog plana isplatu priznatih

i nespornih potraživanja stečajnih povjerilaca u skladu odredbama Zakona o stečajnom postupku i usvojenim Stečajnim planom;

2. Nalaže stečajnom upravniku stečajnog dužnika da sve evidentirano i ustanovljeno po završnom računu i ostalim evidencijama koje čine imovinu i prava, na dan objave oglasa za javnu prodaju, preda kupcu, od ovih odredbi može biti i treba biti izuzeto – korigovano poslovne promjene neophodne za redovno poslovanje privrednog subjekta u stečaju, kao i da pruži pomoć prilikom upisa tih prava u javne registre;
3. Mijenja vlasništvo nad postojećim dionicama emitenta Hidrogradnja d.d. Sarajevo stečajnog dužnika tako što vlasnik 5.658.741 REDOVNIH dionica oznake HDGSR, KLASE ES, emitenta Hidrogradnja d.d. Sarajevo –stečajnog dužnika, postaje kupac, čime se na kupca prenose 5.658.741 REDOVNIH dionica oznake HDGSR, KLASE ES, dionice emitenta Hidrogradnje d.d. Sarajevo;
4. Naređuje brisanje založnih prava i pljenidbe iz tačke 3.9. Osnove za provođenje Stečajnog plana;
5. Nalaže Registru vrijednosnih papira FBiH da briše vlasništvo na 5.658.741 redovnih dionica, oznake HDGSR, klase ES, emitenta Hidrogradnja dd Sarajevo, dioničara prema Listi dioničara, Registra vrijednosnih papira Federacije BiH, koji su imali pravo vlasništva na dionicama Hidrogradnje dd Sarajevo, na dan objave Oglasa za prodaju privrednog subjekta;
6. Nalaže Registru vrijednosnih papira FBiH da na registarski račun kupca upiše 5.658.741 redovnih dionica, oznake HDGSR, klase ES, emitenta Hidrogradnja d.d. Sarajevo tj. sve dionice navedene u Listi dioničara Hidrogradnja d.d. Sarajevo kod Registra vrijednosnih papira sa stanjem na dan objave Oglasa za prodaju privrednog subjekta;
7. Nalaže Odjeljenju registra za upis pravnih lica Općinskog suda u Sarajevu kao i svim drugim javnim registrima, da brišu vlasništvo svih predhodnih vlasnika i dioničara Hidrogradnja d.d. Sarajevo koji su to bili na dan objavljivanja Oglasa za prodaju pravnog lica i da istovremeno kao vlasnika kapitala Hidrogradnje d.d. Sarajevo u 100% iznosu, upiše kupca pravnog lica po stečajnom planu.
8. Naređuje brisanje založnih prava iz tačke 3.7. i 3.8. Osnove za provođenje Stečajnog plana;
9. Zasniva založno pravo u korist Ministarstva Finansija FBiH – Poreske uprave za isplatu iznosa od 20.599.101.42KM na ime dospjelih kamata, na imovini organizacione jedinice Kakanj, a prema uslovima iz ovog Stečajnog plana
10. Obavezuje kupca da Hidrogranja dd Sarajevo nastavi registrovane poslovne djelatnosti i istu obavlja najmanje 5 godine, uz zadržavanje postojećeg broja radnika stečajnog dužnika koji su zatečeni u radnom odnosu na dan pravosnažnosti rješenja o potvrdi stečajnog plana;

11. Obavezuje Hidrogradnju d.d. Sarajevo da uplati iznos od 20.599.101.42KM (u visini i procentu planiranog namirenja iz Stečajnog plana iz tog isplatnog reda) na ime zatezne kamate na 60 jednakih mjesečnih rata Poreznoj upravi FBIH (koje je priznao stečajni upravnik Poreznoj upravi FBIH), ukoliko u roku od godinu dana od pravosnažnosti rješenja o potvrdi Stečajnog plana ne stupe na snagu odredbe novog Zakona o izmjenama Zakona o visini stope zatezne kamate na javne prihode o otpisu dospjele zatezne kamate.
12. Određuje da su Reorganizovani stečajni dužnik i kupac oslobođeni obaveza prema drugim pravnim i fizičkim licima koje su nastale prije otvaranja stečajnog postupka, kao i obaveze koje su nastale u toku stečajnog postupka, zaključno sa danom izvršene primopredaje između prodavca i kupca, osim obaveza koje se odnose na isplatu dospjelih zateznih kamata prema Poreskoj upravi FBIH koje će se izmirivati prema odredbama ovog Stečajnog plana i osim obaveza koja su nastala kao potraživanje za neophodnost poslovanja u fazi oglašavanja i primopredaje privrednog subjekta, a ista će biti kompenzirana potraživanjima iz tekućeg poslovanja. Reorganizovani stečajni dužnik i kupac oslobođeni su obaveza prema drugim pravnim i fizičkim licima i za obaveze koje proisteknu iz eventualnih sporova nastalih u realizaciji stečajnog plana (naknada štete, vlasničke tužbe i dr.);
13. Određuje da pravna lica koja su vršila usluge stečajnom dužniku od općeg interese ne mogu obustaviti pružanje usluga kupcu ili Reorganizovanoj Hidrogradnji dd Sarajevo, zbog neplaćenih računa nastalih prije otvaranja stečajnog postupka ili za vrijeme vođenja stečajnog postupka nad stečajnim dužnikom;
14. Određuje da se obaveze stečajnog dužnika prema drugim pravnim i fizičkim licima nastale prije i u toku stečajnog postupka poslije umanjena iz stava 12, izmiruju samo sa posebnog računa vlasništvo stečajnog dužnika , otvoren kod XX br. XX, na koji je uplaćena kupoprodajna cijena s tim da će se isplata dospjelih zateznih kamata Poreskoj upravi FBIH pod uslovima iz ovog Stečajnog plana vršiti samo sa računa Hidrogradnja dd Sarajevo. Sa posebnog računa stečajnog dužnika , otvoren kod XX br. XX, i iz tih novčanih sredstava mogu se isplaćivati i troškovi stečajnog upravnika načinjenih u svrhu realizacije Stečajnog plana, kao i isplatu naknadne diobe iz naknadno pronađene imovine stečajnog dužnika;
15. Određuje da novčana sredstva na posebnom računu br. XX otvoren kod XX, vlasništvo stečajnog dužnika na kojima su rezervisana sredstva iz kupoprodajne cijene (za isplatu osporenih potraživanja, troškova i isplate naknadno pronađene imovine), ne mogu biti predmet prinudnog izvršenja za potraživanja prema Hidrogradnji dd Sarajevo, koja su nastala nakon pravosnažnosti rješenja stečajnog suda o potvrdi Stečajnog plana;
16. Određuje da se sudske parnice i drugi sudski postupci, kao i upravni i drugi postupci koje se vode kod sudova i upravnih organa gdje se kao tužitelj ili podnosilac zahtjeva pojavljuje Hidrogradnja d.d. Sarajevo ili Hidrogradnja d.d. Sarajevo u stečaju, prenose na Hidrogradnju dd Sarajevo, koja je ovlaštena nastaviti, pokretati i voditi parnice i sve sudske i druge postupke, radi ostvarenja imovinskih i drugih interesa Hidrogradnja dd Sarajevo;

17. Određuje da nakon obustave stečajnog postupka nad stečajnim dužnikom, stečajni upravnik nastavlja da zastupa Hidrogradnju dd Sarajevo u parničnim postupcima za dokazivanje osnovanosti osporenih potraživanja i to u predmetima Općinskog suda u Sarajevu br 56 0 P 057143 17 P, 65 0 Ip 20657777 16 17 Ip , 65 0 Ps 627660 17 Ps, 65 0 Rs 552762 16 Rs, 36 0 P 026166 16 P2, 65 0 Ps 303724 12 Ps, 65 0 Ps 616805 16 Ps, 65 0 Ps 384066 19 Pž 2, 65 0 Ps 773773 19 Ps, 65 0 Ps 689269 19 Ps2, 65 0 P 696805 18 P, 65 0 Ps 697449 18 Ps, 65 0 Ps 697102 18 Ps, 65 0 Ps 697487 18 Ps, 65 0 Ps 487671 18 Ps, 65 0 Ps 688813 18 Ps, 65 0 Ps 698034 18 Ps, 65 0 Ps 698486 Ps, 65 o Ip 744111 18 Ip, 65 0 Ps 926398 21 Ps, koji postupci se nakon obustave stečajnog postupka nastavljaju voditi kao postupci za utvrđenje naknadno pronađene imovine Hidrogradnja dd Sarajevo, u stečaju;

Obavezuje se kupac da do zaključenja stečajnog postupka obezbjedi uslove za rad stečajnog upravnika zbog nastavka vođenja postupaka za predmete stečajnog postupka.

18. Nalaže Odjeljenju registra za upis pravnih lica Općinskog suda u Sarajevu kao i svim drugim javnim registrima, bankama i dr da na odgovarajuća mjesta upišu zabilježbe, radi trajnog upoznavanja svih trećih lica:

- I. Da Hidrogradnja dd Sarajevo niti njen kupac, svojom imovinom ne odgovaraju za obaveze prema trećim licima koje su nastale prije pravosnažnosti rješenja stečajnog suda o potvrdi Stečajnog plana osim u djelu u kojem je nad imovinom Hidrogradnja dd Sarajevo zasnovano založno pravo nad imovinom organizacione jedinice u Kakanju radi isplate obaveza po dospjelim zakonskim zateznim kamatama u korist Ministarstva finansija FBiH - Poreske uprave FBiH;
- II. Da novčanim sredstvima na posebnom računu br. XX otvoren kod XX, vlasništvo stečajnog dužnika na kojima su rezervisana sredstva iz kupoprodajne cijene (za isplatu osporenih potraživanja, troškova i isplate naknadne diobe iz naknadno pronađene imovine), raspolaže i njima upravlja samo stečajni upravnik, u skladu sa Zakonom o stečajnom postupku i usvojenim Stečajnim planom;
- III. Da novčana sredstva na posebnom računu br. XX otvoren kod XX, vlasništvo stečajnog dužnika na kojima su rezervisana sredstva iz kupoprodajne cijene (za isplatu osporenih potraživanja, troškova i isplate naknadne diobe iz naknadno pronađene imovine), ne mogu biti predmet prinudnog izvršenja za potraživanja prema Hidrogradnji dd Sarajevo, koja su nastala nakon pravosnažnosti rješenja stečajnog suda o potvrdi Stečajnog plana;
- IV. Da u postupcima za dokazivanje osporenih potraživanja, nakon zaključenja stečajnog postupka nad Hidrogradnja dd Sarajevo, u stečaju, Hidrogradnju dd Sarajevo u tim postupcima zastupa samo stečajni upravnik, a ne direktor ili neko treće lice;
- V. Da povjerioci stečajnog dužnika Hidrogradnja dd Sarajevo, u stečaju, čija potraživanja su u stečajnom postupku osporena i za koje se vode postupci radi dokazivanja potojanja tih osporenih potraživanja, u slučaju uspjeha u sporovima koji su u toku u vrijeme pravosnažnosti rješenja o potvrdi Stečajnog plana, svoja potraživanja iz tih parnica mogu namirivati samo iz sredstava na kojima se nalaze rezervisna sredstva iz kupoprodajne cijene, na računu vlasništvo stečajnog dužnika, br. XX otvoren kod XX, a kojim novčanim

sredstavima jedino upravlja i raspolaze stečajni upravnik u skladu sa Zakonom o stečajnom postupku i usvojenim Stečajnim planom

19. Uspostavi založno pravo u korist Ministarstva finansija FBiH - Poreske uprave FBiH nad imovinom stečajnog dužnika u zemljišnoknjižnom ulošku broj: 280 k.o. KAKANJ, i u zemljišnoknjižnom ulošku 1283 k.o. Kakanj, za isplatu iznosa od 20.599.101.42KM neotpisane a dospjele zatezne kamate u 60 jednakih mjesečnih rata, počevši jednu godinu dana od dana pravonažne potvrde Stečajnog plana
20. Određuje da pravosnažno rješenje o potvrdi Stečajnog plana u dijelu naplate dospjelih a neplaćenih zateznih kamata prema Poreskoj upravi FBiH ima snagu, sadržinu i karakter Sporazuma o izmirenju poreskih obaveza na osnovu kojeg Sporazuma svi organi Poreske uprave FBiH pravosnažnošću rješenja o potvrdi Stečajnog plana imaju obavezu Hidrogradnja dd Sarajevo izdati Uvjerenje o izmirenju poreskih obaveza po kojem Hidrogradnja dd Sarajevo nema neizmirenih obaveza po osnovu poreza i doprinosa.
21. Određuje da ukoliko u roku od godinu dana od pravosnažnosti rješenja o potvrdi Stečajnog plana stupi na snagu Zakon o izmjenama Zakona o visini stope zatezne kamate na javne prihode o otpisu dospjelih zateznih kamata, cjelokupne dospjele zakonske kamate se u cijelosti otpisuju, a upisana hipoteka na iznos od 20.599.101.42KM dospjelih zateznih kamata u korist Ministarstva finansija FBiH – Porezna uprava FBiH, se briše.

3.6. Po pravosnažnosti Rješenja o potvrdi stečajnog plana i prodaje stečajnog dužnika kao pravnog lica, stečajni postupak u odnosu na stečajnog dužnika se obustavlja, s tim da se nastavljaju parnični postupci pobrojani u tački 3.5.15. gore, u kojim postupcima Hidrogradnju dd Sarajevo, dalje zastupa samo stečajni upravnik.

3.7. Po pravosnažnosti rješenja o potvrdi Stečajnog plana obaveze stečajnog dužnika prema drugim pravnim i fizičkim licima nastale prije i u toku stečajnog postupka se izmiruju samo sa posebnog računa stečajnog dužnika, otvoren kod XX br. XX, na koji je uplaćena kupoprodajna cijena, ali će se isplata dospjelih zateznih kamata Poreskoj upravi FBiH pod uslovima iz ovog Stečajnog plana vršiti samo sa računa Hidrogradnja dd Sarajevo;

3.8. Pravosnažnošću rješenja o potvrdi stečajnog plana, založna prava na imovini stečajnog dužnika se mijenjaju kako slijedi:

- a) Založno pravo koje ima Izvozno kreditna agencija BiH nad imovinom stečajnog dužnika upisano u zemljišnoknjižnom ulošku broj: 8388 k.o. SP DONJI BUTMIR - Brijesće i u zemljišnoknjižnom ulošku broj: 1280 k.o. KAKANJ, i u zemljišnoknjižnom ulošku 1283 k.o. Kakanj, te na pokretnim stvarima - Lansirani uređaj za prenapregnute betonske nosače i Univerzalno postrojenje za proizvodnju betonskih elemenata MASA AG, prestaje i briše se iz zemljišnih knjiga i drugih javnih evidencija;
- b) Založno pravo i druge zabilježbe prestaju i brišu se iz evidencija MUP KS i drugih javnih evidencija koje ima Uprava za indirektno oporezivanje nad pokretnom imovinom stečajnog dužnika (vozila) kako je to precizirano Rješenjem o zabrani otuđenja i opterećenja vozila Uprave za indirektno oporezivanje, Regionalni centar Sarajevo broj: 02/6-2/II-16-10-10981-3/14 od 03.03.2015.godine (prilog 40);
- c) Založno pravo koje ima Razvojna Banka FBiH nad imovinom stečajnog dužnika upisano u zemljišnoknjižnom ulošku broj: 8388 k.o. SP DONJI BUTMIR - Brijesće i u

zemljišnoknjižnom ulošku broj: 1280 k.o. KAKANJ, i u zemljišnoknjižnom ulošku 1283 k.o. Kakanj, prestaje i briše se iz zemljišnih knjiga i drugih javnih evidencija;

- d) Založno pravo koje ima Porezna uprava FBiH nad imovinom stečajnog dužnika u zemljišnoknjižnom ulošku broj: 8388 k.o. SP DONJI BUTMIR - Briješće i u zemljišnoknjižnom ulošku broj: 1280 k.o. KAKANJ, i u zemljišnoknjižnom ulošku 1283 k.o. Kakanj, prestaje i briše se iz zemljišnih knjiga i drugih javnih evidencija;
- e) Založno pravo koje ima Vakufska Banka DD Sarajevo nad imovinom stečajnog dužnika upisane u zemljišnoknjižnom ulošku broj: 170 k.o. Hadžići i zemljišnoknjižnom ulošku 216 k.o. Hadžići, prestaje i briše se iz zemljišnih knjiga i drugih javnih evidencija.
- f) Uspostavlja se založno pravo u ime Porezne uprava FBiH nad imovinom stečajnog dužnika u zemljišnoknjižnom ulošku broj: 280 k.o. KAKANJ, i u zemljišnoknjižnom ulošku 1283 k.o. Kakanj, za isplatu iznosa od 20.599.101.42KM neotpisane a dospjele zatezne kamate u 60 jednakih mjesečnih rata, počevši jednu godinu dana od dana pravonažne potvrde Stečajnog plana;

3.9. Pravosnažnošću rješenja o potvrdi stečajnog plana, prestaju tereti svih trećih lica, uključujući i hipoteke, založna prava, te prava prvenstvenog namirenja (sudske i upravne zabilježbe u zemljišnoj knjizi) upisane u:

- a) Zemljišnoknjižnom ulošku broj 8388 K.O. SP_ DONJI BUTMIR (katastarske čestice navedene na strani 41-43 i u prilogu br. 28),
- b) Zemljišnoknjižnom ulošku broj 170 K.O. HADŽIĆI,
- c) Zemljišnoknjižnom ulošku broj 216 K.O. HADŽIĆI,
- d) Zemljišnoknjižnom ulošku broj 64 K.O. BRNJ,
- e) Zemljišnoknjižnom ulošku broj 1280 K.O. KAKANJ
- f) Zemljišnoknjižnom ulošku broj 1283 K.O. KAKANJ.

Potraživanje svih razlučnih povjerilaca, povjerilaca višeg, opšteg isplatnog reda, kao i svih drugih povjerilaca stečajnog dužnika, gase se isplatom iznosa navedenih u Glavi 2 Provedbene osnove .

3.9.1. Pravosnažnošću rješenja o potvrdi stečajnog plana, založna prava, ograničenja, pljenidba na dionicama emitenta Hidrogradnje d.d. Sarajevo (HDGSR) mijenja se i to:

- Založno pravo koje ima Raiffeisen banka d.d. Sarajevo na osnovu Aneksa br.1 Ugovora broj: 086/07/KD o kreditu nad vlasnikom vrijednosnih papira Turabija Jasenko , sa 1911 vrijednosnih papira, prestaje i briše se iz evidencije Registra vrijednosnih papira Federacije BiH,
- Založno pravo koje ima Addiko Banka d.d. Sarajevo na osnovu Aneksa br.2 Ugovora partija broj: 1637183024 nad vlasnikom vrijednosnih papira Turabija Jasenko , sa 423 vrijednosnih papira, prestaje i briše se iz evidencije Registra vrijednosnih papira Federacije BiH,
- Nalog za privremenu obustavu transakcije – Državna aagencija za istragu i zaštitu BiH broj: 17-03/2-04-3-2/09 nad vlasnikom vrijednosnih papira Draženko Marković , sa 1230 vrijednosnih papira, prestaje i briše se iz evidencije Registra vrijednosnih papira Federacije BiH,

- Založno pravo – ograničenje koje ima Općinski sud (mjera osiguranja) broj predmeta 65 0 P 162237 10 P nad vlasnikom vrijednosnih papira Subašić Rizvo , sa 516 vrijednosnih papira, prestaje i briše se iz evidencije Registra vrijednosnih papira Federacije BiH,
- Založno pravo – ograničenje koje ima MOJA Banka d.d. Sarajevo na osnovu Ugovora o zasnivanju založnog prava OPU -IP-1430/2011 nad vlasnikom vrijednosnih papira SNAGIĆ S DOO , sa 10187 vrijednosnih papira, prestaje i briše se iz evidencije Registra vrijednosnih papira Federacije BiH,
- Založno pravo – ograničenje koje ima ADDIKO BANK D.D. na osnovu Ugovora broj: 1637282383 nad vlasnikom vrijednosnih papira Burzić Dado , sa 200 vrijednosnih papira, prestaje i briše se iz evidencije Registra vrijednosnih papira Federacije BiH,
- Založno pravo koje ima Addiko Banka d.d. Sarajevo na osnovu Ugovora o zasnivanju založnog prava na dionicama OPU-IP:778/09 nad vlasnikom vrijednosnih papira Hribar Stojan , sa 176 vrijednosnih papira, prestaje i briše se iz evidencije Registra vrijednosnih papira Federacije BiH,
- Založno pravo koje ima UniCredit Bank d.d. Mostar na osnovu Ugovora o zasnivanju založnog prava na dionicama br. 01/09 nad vlasnikom vrijednosnih papira Mirko Anić , sa 16000 vrijednosnih papira, prestaje i briše se iz evidencije Registra vrijednosnih papira Federacije BiH,
- Založno pravo koje ima B2 Kapital d.o.o. na osnovu Rješenja o izvršenju broj: 68 2 I 024275 20 I Općinskog suda u Livnu nad vlasnikom vrijednosnih papira Mirko Anić , sa 16000 vrijednosnih papira, prestaje i briše se iz evidencije Registra vrijednosnih papira Federacije BiH,
- Pljenidba Uprave za indirektno – neizravno oporezivanje- Regionalni centar Sarajevo broj: 02/6-2/II-16-16-101-17166-7-2/18 nad vlasnikom vrijednosnih papira Kemal Puškić , sa 580 vrijednosnih papira, prestaje i briše se iz evidencije Registra vrijednosnih papira Federacije BiH.

3.9.2. Pravosnažnošću rješenja o potvrdi stečajnog plana, založna prava, ograničenja, pljenidba na vrijednosnim papirima u vlasništvu Hidrogradnja d.d. Sarajevo mijenjaju se i to:

- Založno pravo koje ima Uprava za indirektno oporezivanje BiH na vrijednosnim papirima (BKVVVRK) emitenta BLOKOVO d.d. Vogošća , 6331 vrijednosnih papira, nominalne vrijednosti 18,8, prestaje i briše se iz evidencije Registra vrijednosnih papira,
- Založno pravo koje ima Uprava za indirektno oporezivanje BiH na vrijednosnim papirima (BSNFRK) emitenta ZIF BOSFIN d.d. Sarajevo , 1956 vrijednosnih papira, nominalne vrijednosti 18,5, prestaje i briše se iz evidencije Registra vrijednosnih papira,
- Založno pravo koje ima Uprava za indirektno oporezivanje BiH na vrijednosnim papirima (SSSVR) emitenta Sakupljanje sekundarnih sirovina d.d., 1754 vrijednosnih papira, nominalne vrijednosti 15, prestaje i briše se iz evidencije Registra vrijednosnih papira,
- Založno pravo koje ima Uprava za indirektno oporezivanje BiH na vrijednosnim papirima (UKVNR) emitenta UNIS KOVINA DD Visoko , 35155 vrijednosnih papira, nominalne vrijednosti 10, prestaje i briše se iz evidencije Registra vrijednosnih papira,

4. Zasnivanje i prestanak založnog prava – hipoteke

4.1. Ukoliko u roku od godinu (od dana pravosnažnosti Rješenja o potvrđivanju Stečajnog plana) ne stupi novi Zakon o izmjenama Zakona o visini stope zatezne kamate na javne prihode, Hidrogradnja d.d. Sarajevo se obavezuje uplatiti iznos (u visini i procentu planiranog namirenja iz Stečajnog plana) na ime zatezne kamate Poreznoj upravi FBiH na 60 jednakih rata (koje je priznao stečajni upravnik Poreznoj upravi FBiH) .

4.2. Kao garancija za uplatu iznosa (u visini i procentu planiranog namirenja iz Stečajnog plana) na ime zatezne kamate na porezne obaveze kupac je saglasan da se na imovini Hidrogradnja d.d. Sarajevo organizacionog dijela Kakanj zasnjuje založno pravo - hipoteka na iznos priznatih zateznih kamata u korist Ministarstva finansija FBiH – Porezna uprava FBiH .

4.3. Zasnivanje založnog prava će se izvršiti nakon procjene imovine Kakanj od strane sudskog vještaka građevinske struke potrebne za obezbjeđenje plaćanja iznosa (u visini i procentu planiranog namirenja iz Stečajnog plana) na ime zatezne kamate Poreznoj upravi FBiH.

4.4. Ukoliko u roku od godinu dana od pravosnažnosti rješenja o potvrdi Stečajnog plana stupi na snagu Zakon o izmjenama Zakona o visini stope zatezne kamate na javne prihode o otpisu dospjelih zateznih kamata, cjelokupne dospjele zakonske kamate se u cijelosti otpisuju, a upisana hipoteka na iznos od 20.599.101.42KM dospjelih zateznih kamata u korist Ministarstva finansija FBiH – Porezna uprava FBiH, se briše.

5. Sudski postupci stečajnog dužnika nakon usvajanja stečajnog plana i upravljanje rezervisanim novcima.

5.1. Postojeće parnice koje su u toku a odnose se na osporena potraživanja, u vrijeme usvajanja stečajnog plana nastavlja da vodi stečajni upravnik u ime i za račun Hidrogradnja d.d. Sarajevo, s tim da prava i obaveze iz tih parnica idu u korist ili na teret samo rezervisanih novčanih sredstava koja sredstva su odvojena od imovine Hidrogradnje d.d. Sarajevo. U tim parnicama Hidrogradnju d.d. Sarajevo zastupa stečajni upravnik.

5.2. Nakon obustave stečajnog postupka stečajni upravnik će nastaviti da vodi sve pobrojane parnice u ovom Stečajnom planu i da poduzima sve ostale neophodne radnje usmjerene na realizaciji Stečajnog plana, kao što će nastaviti da izmiruje troškove i obaveze kao naknadnu pronađenu imovinu stečajnog dužnika prema stečajnom planu iz preostalih rezervisanih novčanih sredstava kroz naknadnu diobu novčanih sredstava koje se nalaze na računu Hidrogradnja dd Sarajevo, a na koji račun je kupac izvršio uplatu kupoprodajne cijene.

5.3. Ukoliko u roku od godinu od dana pravosnažnosti Rješenja potvrđivanju Stečajnog plana ne stupi novi Zakon o izmjenama Zakona o visini stope zatezne kamate na javne prihode, obavezuje se stečajni upravnik da vrši nadzor i kontrolu uplate iznosa od strane Hidrogradnje d.d. Sarajevo (u visini i procentu planiranog namirenja iz Stečajnog plana) na ime zatezne kamate Poreznoj upravi FBiH .

5.4. **Ukoliko u roku od godinu dana od pravosnažnosti rješenja o potvrdi Stečajnog plana stupi na snagu Zakon o izmjenama Zakona o visini stope zatezne kamate na javne prihode o otpisu dospjelih zateznih kamata, stečajni upravnik će o tome izvjestiti stečajni sud radi poduzimanja radnji na brisanju upisane hipoteke na iznos od 20.599.101.42KM dospjelih zateznih kamata u korist Ministarstva finansija FBiH – Porezna uprava FBiH, se briše.**

5.5. Sudske postupke koji su u toku, a koji se ne tiču osporenih potraživanja, nastaviti će voditi reorganizovana Hidrogradnja dd Sarajevo.

Fadila Đuliman ispred PU FBiH izjavi: mi smo dobili izmjene stečajnog plana o grupama i kako će se namirivati u procentima a nama nije napisano na koji način nakon godinu dana .

Stečajni upravnik: 2021 godine je izglasano da su vaše kamate umanjene 30% tako ste i glasali. Porezna uprava glasa za isto što vam je priznato 2021. godine.

Đuliman Fadila: vezano za Kakanj ako možete pojasnit?

Stečajni upravnik: najviše će PU profitirati preko Cementare Kakanj.

Punomoćnik Adil Lozo kako sam razumio da se ovi poslovi mogu završiti u roku od 6 mjeseci i da usvojeni plan važi 6 mjeseci. Ispunjeni su zakonski uslovi da se direktno zaključe ugovori jer je ovo najveći i najsloženiji predmet. Vrš se pripreme o otpisu kamata. Mislim da postoji mogućnost da se na osnovu člana 124. Zakona o stečaju izvrši glavna dioba pa ja glasam da učestvujem u pregovorima sa Vladom F BiH jer se zakonima koji se donose štite naši interesi. Mišljenja sam da treba zaključiti Ugovor o kupoprodaji ako postoji potencijalni kupac.

Stečajni upravnik: mislim da ja radim predano sve ono što je do mene, ako danas odlučimo ovako kupac traži da sve obaveze do oktobra završimo i u ovom postupku niti jedna stavka nije bila netransparentna, od „mrtve“ firme napravili smo „živu“. Ne mogu reći koji je rok trajanja ovog stečajnog plana.

Punomoćnik Adil Lozo: stečajni upravnik ima kupca i da do kraja oktobra može zaključiti Ugovor, za nas je to prihvatljivo i moje mišljenje je to da je dobro rješenje i bitno je da znamo koji su nam sljedeći koristi a tvrdim da nećemo insistirati na glavnoj diobi dok se ne ispune uslovi.

Redžep Tufekdžić: zašto stečajni upravnik od Vlade Nermina Nikšića ne traži novac?

Stečajni upravnik: nemam potrebu odgovarati na ovo pitanje.

Punomoćnik Feđad Začiragić: trebamo biti svjesni da prema planu reorganizacije postoji dinamika.

Punomoćnik Adil Lozo: pozvao sam se na Zakon o izvršnom postupku.

Stečajni upravnik: prva prodaja bi bila 100%, druga prodaja 44.000.000,00 a treća 25.000.000,00

Punomoćnik Edin Šabanović: samo da konstatujem, vezano za stečajni plan, ukupno 80% ukupne cijene, postoji mogućnost da se ovaj stečajni plan realizuje i da se ide u glavnu diobu. 20% preuzima eventualni kupac da plati. Onog trenutka kad se izvrši uplata povjerioci se namiruju.

Sudija objavljuje da je III Skupština odnosno ročište za raspravljanje o izmjenama i dopunama Stečajnog plana dovršeno.

Nakon rasprave, sud donosi slijedeće

R J E Š E N J E

Utvrđuje se da povjerioci u ovom stečajnom postupku čine povjerioci navedeni u Stečajnom planu od 30.11.2021. godine.

PRISTUPA SE GLASANJU O IZMJENAMA I DOPUNAMA STEČAJNOG PLANA OD 30.11.2021. GODINE.

Glasanje se odvija po grupama na način što su prisutnima uručeni glasački listići, pa se isti izjašnjavaju zaokruživanjem ZA ili PROTIV.

Nakon prebrojavanja glasova po grupama, konstatuje se slijedeće:

A GRUPA – Razlučni povjerioci

Pozivaju se razlučni povjerioci da glasaju o izmjenama i dopunama stečajnog plana

Glasalo je ukupno 2 .

ZA su glasala 2 ili 100 % procenata udjela u grupi
PROTIV Stečajnog plana glasao je 0 ili 0 % procenata udjela u grupi.

Nakon prednjeg, konstatuje se da je grupa broj A – različni povjerioci PRIHVATILI Stečajni plan.

B GRUPA – Porezna uprava FBiH porezne obaveze, doprinosi, porezi

Glasalo je ukupno 1 povjerilaca.

ZA Stečajni plan je glasalo 1 povjerilaca, ili 100 % procenta udjela u grupi.

PROTIV Stečajnog plana glasalo je 0 povjerioca, ili 0 % procenata udjela u grupi.

Nakon prednjeg, konstatuje se da je B grupa Porezna uprava F BiH porezne obaveze, doprinosi, porezi PRIHVATILA Stečajni plan.

C GRUPA – Raniji zaposlenici stečajnog dužnika

Glasalo je ukupno 682

ZA su glasala 673 ili 98,68 % procenata udjela u grupi

PROTIV Stečajnog plana glasao je 9 ili 1,32 % procenata udjela u grupi.

D GRUPA- opšti isplatni red

Glasalo je ukupno 17

ZA su glasala 17 ili 100 % procenata udjela u grupi

PROTIV Stečajnog plana glasao je 0 ili 0 % procenata udjela u grupi.

E GRUPA-zatezne kamate/porezna uprava

Glasalo je ukupno 1 .

ZA su glasala 1 ili 100 % procenata udjela u grupi

PROTIV Stečajnog plana glasao je 0 ili 0 % procenata udjela u grupi.

ZA Stečajni plan je glasalo 694 povjerilaca, ili 98,72 % procenata udjela u grupi.

PROTIV Stečajnog plana glasalo je 9 povjerilaca ili 1,28 % procenta udjela u grupi.

Nakon prednjeg, konstatuje se da je C grupa Raniji zaposlenici stečajnog plana PRIHVATILA Stečajni plan.

Nakon što su sve grupe pojedinačno završile glasanje, sudija objavljuje da su povjerioci svih pet grupa većinom glasova PRIHVATILA izmjenu Stečajnog plana sačinjenog od strane stečajnog upravnika dana 23.05.2025. godine.

Konstatuje se da je ročište za raspravljanje i glasanje o izmjenama i dopunama Stečajnog plana završeno u 13:10 sati.

ZAPISNIČAR
Mersiha Imamović

STEČAJNI SUDIJA
Nebojša Joksimović